

四庫全書

子部

欽定四庫全書

子部

證治準繩卷三十四

詳校官太醫院醫士臣舒岱

編修臣倉聖脈覆勘

總校官進士臣朱鈐

校對官中書臣宋枋連

謄錄監生臣鄒世俊

欽定四庫全書

證治準繩卷三十四

明 王肯堂 撰

類方

七竅門

目

內障人參補胃湯

試效

治勞役所傷飲食不節內障昏暗

黃芪人參

各一兩

炙甘草

八錢

蔓荊子

二錢半

黃檗

酒拌
單遍

白芍藥

各三錢

右咬咀每服三五錢水二盞煎至一盞去滓食遠稍
熱服臨卧三五服後兩目廣大視物如童時覺兩脚
踏地不知高下蓋冬天多服升陽藥故也病減住服
候五七日再服此藥春間服乃時藥也

圓明內障升麻湯

即沖和
養胃湯

黃芩黃連湯

黃芩

酒洗
炒

生地黄

酒洗

草龍膽

酒洗炒四次
以上各一兩

黃連

去鬚酒洗
炒七次

右呔咀每服二錢水二盞煎數沸去滓再煎至一盞
熱服午後晚間俱不可服惟午飯時服之方効

復明散 治內障

黃芪

一錢半

生地黃 柴胡 連翹

甘草

各一錢

當歸

二錢

蒼朮 川芎

陳皮

各五分

黃蘗

三分

水二大盞煎至一盞去渣稍熱服食後忌酒濕麵辛
熱大料之物

羌活退翳丸

一名地黃丸

治內障右眼小眦青白翳大眦微

顯白翳腦痛瞳子散大上熱惡熱大便澀或時難小

便如常遇天熱煖處頭痛睛脹能食日沒後天陰則

昏暗此證亦可服滋陰地黃丸

熟地黃

八錢

生地黃

酒製

黃檗

酒製

當歸身

酒製

羌蔚子

丹參

各半兩

黑附子

炮

寒水石

生用各一

錢

芍藥

一兩三錢

防己

酒製二錢

知母

酒製

牡丹皮

羌活 川芎

各三錢

柴胡

半兩或三錢

右為細末煉蜜丸如小豆大每服五七十九空心白湯送下如消食未盡候飢時服之忌語言隨後以食壓之東垣蘭室秘藏方云翳在大眦加葛根升麻翳在小眦加柴胡羌活是也

當歸湯

見童子散大

沖和養胃湯 治內障初起視覺微昏空中有黑花神水變淡綠色次則視物成二神水變淡白色久則不覩神水變純白色

柴胡

七錢

人參

當歸

酒浸

炙甘草

白朮

升

麻

葛根

各一兩

黃芪

羌活

各一兩半

白芍藥

六錢

防風

五錢

白茯苓

三錢

五味子

二錢

乾生薑

一錢

右咬咀每服六錢水三盞煎至二盞入黃芩黃連湯
二錢再煎至一盞去滓稍熟食後服右方因肝水不
平內挾心火故以柴胡平肝人參開心黃連瀉心火
為君酒製當歸榮百脉五味斂百脉之沸心包絡主
血白芍藥順血脉散惡血為臣白茯苓瀉膀胱之濕

羌活清利小腸之邪甘草補三焦防風升膽之降為
佐陰陽皆總於脾胃黃芪補脾胃白朮健脾胃升麻
葛根行脾胃之經黃芩退壯火乾生薑入壯火為導
為使此方逆攻從順反異正宜俱備

益氣聰明湯 治證同上并治耳鳴耳聾

黃芪

人參

各一錢
二分半

升麻

七錢
半

葛根

三錢

蔓

荊子

一錢
半

芍藥

黃蘗

酒炒各
一錢

炙甘草

半錢

每服四錢水二盞煎至一盞去粗臨睡熱服五更再

煎服

右方以黃芪人參之甘溫治虛勞為君甘草之甘平承接和協升麻之苦平微寒行手陽明足陽明足太陰之經為臣葛根之甘平蔓荊子之辛溫皆能升發為佐芍藥之酸微寒補血脉黃檗之苦寒治腎水膀胱之不足為使酒製又炒者因熱用也或有熱可漸加黃檗春夏加之盛暑倍加之加多則不效脾胃虛者去之熱倍此者瀉熱黃連湯主之

瀉熱黃連湯

治內障證同上有眵淚眊眊

黃芩

酒炒

黃連

酒洗

柴胡

酒炒

生地黃

酒洗各一兩

龍膽草

三錢

升麻

五錢

每服三錢水二盞煎至一

盞去滓午食前熱服午後服之則陽逆不行臨睡休服為反助陰也

右方治主治客之劑也治主者升麻主脾胃柴胡行肝經為君生地黃涼血為臣為陽明太陰厥陰多血故也治客者黃連黃芩皆療濕熱為佐龍膽草專除

眼中諸疾為使為諸濕熱俱從外來為客也

千金磁硃丸

治神水寬大漸散昏如霧露中行漸覩

空中有黑花漸覩物成二體久則光不收及內障神

水淡綠色淡白色者

磁石

吸針者

辰砂

神麴

先以磁石置巨火中

煅醋淬七次曬乾另研極細二兩辰砂另研極細一

兩生神麴末三兩與前藥和勻更以神麴末一兩水

和作餅煮浮為度搜入前藥煉蜜為丸如梧桐子大

每服十丸加至三十丸空心飯湯下

右方以磁石辛鹹寒鎮墜腎經為君令神水不外移也辰砂微甘寒鎮墜心經為臣肝其母此子能令母實也肝實則目明神麴辛溫甘化脾胃中宿食為佐生用者發其生氣熟用者斂其暴氣也服藥後俯視不見仰視漸覩星月者此其效也亦治心火乘金水衰反制之病久病累發者服之則永不更作空心服此午前更以石斛夜光丸主之

按此方磁石法水入腎朱砂法火入心而

神麴專入脾胃乃道家黃婆謀合嬰姁之理倪生
釋之為費詞矣或加沉香半兩升降水火尤佳

石斛夜光丸 治證同上

天門冬

焙

人參 茯苓

各二兩

麥門冬 熟地

黃生地黃

各一兩

兔絲子

酒浸

甘菊花 草決

明杏仁

去皮尖

乾山藥

枸杞子

牛膝

酒浸各七

錢半

五味子

蒺藜

石斛

薏蓉

川芎

炙

甘草

枳殼

麩炒

青箱子

防風

黃連

烏犀

角

鎊

羚羊角

鎊各半兩

為細末煉蜜丸如梧子大

每服三五十丸溫酒鹽湯任下

右方羨補藥也補上治下利以緩利以久不利於速也故君以天門冬人參免絲子之通腎安神強陰填精也臣以五味子麥門冬杏仁茯苓枸杞子牛膝生熟地黃之斂氣除濕涼血補血也佐以甘菊花蒺藜石斛肉蓯蓉川芎甘草枳殼山藥青箱子之治風療虛益氣祛毒也使以防風黃連草決明羚羊角生烏犀之散滯泄熱解結明目也陰弱不能配陽之病竝

宜服之此從則順之治法也

益陰腎氣丸 治證同上

熟地黄

酒製
三兩

生地黄

酒製炒
四兩

當歸尾

酒製

牡

丹皮 五味子 乾山藥 山茱萸 柴胡

各半
兩

茯苓

澤瀉

各二
錢半

為末煉蜜丸如桐子大水飛

辰砂為衣每服五七十九丸空心淡鹽湯下

右方壯水之主以鎮陽光氣為怒傷散而不聚也氣病血亦病也肝得血而後能視又目為心之竅心主

血故以熟地黄補血衰當歸尾行血牡丹皮治積血
為君茯苓和中益真氣澤瀉除濕瀉邪氣生地黃補
腎水真陰為臣五味子補五臟乾山藥平氣和胃為
佐山茱萸強陰益精通九竅柴胡引入厥陰經為使
蜜劑者欲泥膈難下也辰砂為衣者為通於心也然
必兼千金磁硃丸服之庶易效

滋陰地黃丸 治證同上眊多眊者竝治

黃芩 當歸身

酒製

熟地黃

各半兩

天門冬

焙

甘草

炙

枳殼

柴胡

五味子

各三錢

人參

地骨皮

各二錢

黃連

一兩

生地黄

酒製一兩半

為細

末煉蜜九桐子大每服百丸食後茶湯下日三服

右方治主以緩緩則治其本也以黃連黃芩苦寒除邪氣之盛為君當歸身辛溫生熟地黃苦甘寒養血涼血為臣五味子酸寒體輕浮上收神水之散大人參甘草地骨皮天門冬枳殼苦甘寒瀉熱補氣為佐柴胡引用為使也亡血過多之病有熱者亦宜服

羚羊角湯 治青風內障勞倦如昏重頭旋腦痛眼內
痛澀者

羚羊角 人參 玄參 地骨皮 羌活

各一兩

車前子

一兩半

右為末以水一盞散一錢煎至五分食後去滓溫服
婁全善云此方并後羚羊角散補肝散羚羊角引子
皆以羚羊角玄參細辛羌活防風車前子為君蓋羚
羊角行厥陰經藥也丹溪云羚羊角入厥陰經甚捷

是也玄參細辛行少陰經藥也海藏云玄參治空中
氤氲之氣無根之火為聖藥也羌活防風車前子行
太陽經藥也如筋脉枯澀者諸方中更加夏枯草能
散結氣有補養厥陰血脉之功嘗試之有驗然此諸
方又當悟邪之所在若氣脫者必與參膏相半服之
氣虛者必與東垣補胃人參湯益氣聰明湯之類相
半服之血虛者必與熟地黃丸之類相兼服之更能
內觀靜守不干塵累使陰氣平伏方許作効

杏仁方 治肝腎風虛瞳人帶青眼多黑暗潤澤臟腑
洗垢開光能驅風明目

右用杏仁五枚去皮尖五更初就床端坐勿言勿呼
息慮澄神嚼杏仁一粒勿嚥逐一細嚼五粒候津液
滿口分為三嚥直入肝腎惟在久而成功

羚羊角散 治緣風內障頭旋目痛眼內痛澀者

羚羊角 防風 知母 人參 茯苓 玄參

黃芩 桔梗 車前子

各一兩

細辛

三兩

右為末以水一盞散一錢煎五分食後去粗溫服
麝羊角散 治緣風內障

白菊花

川烏

炮

川芎

車前子

防風

各五錢

羌活 半夏

羚羊角

薄荷

各二錢半

細辛

二錢

右生薑煎服或為末荊芥湯調服

白附子散

補腎磁石丸

俱見目昏花

還睛散 治眼翳膜昏澀淚出瘀血努肉攀睛

川芎

草龍膽

草決明

石決明

荊芥

枳

實 野菊花 野麻子 白茯苓去皮 炙甘草

木賊 白蒺藜 川椒炒去子 仙靈脾 茵陳各半

兩

右為細末每服二錢食後茶清調下日三服忌雜魚肉熱麪蕎麥等物一方有楮實子無仙靈脾茵陳枳實三味

蘆薈丸 治黑水凝翳內障不痛不痒微有頭旋脉澀者

蘆薈 甘草

各二錢半

人參

牛膽

各半兩

栢子仁

細辛

各一兩

麝羊角

二兩蜜炙

右為末煉蜜丸如桐子大空心茶清下十九

大黃瀉肝散 治烏風

郁李仁 荊芥

各二錢半

甘草

大黃

各五錢

右水煎食後服

墜翳丸 治偃月內障及微有頭旋額痛

青羊膽

青魚膽

鯉魚膽

各七個

熊膽

二錢半

牛膽

半兩

石決明

一兩

麝香

少許

右為細末麪糊為丸如桐子大每服十丸空心茶清

下

磁石丸

治雷風內障頭旋惡心嘔吐

磁石

燒赤醋淬二次

五味子

牡丹皮

乾薑

玄參

各一兩

附子

炮半兩

右為末煉蜜丸如桐子大食前茶下十丸

補肝散 治肝風內障不痛不痒眼見花發黃白黑赤

或一物二形難辨

麝羊角

防風

錢各三

人參

茯苓

兩各一

細辛

玄參 車前子

黃芩

炒

羌活

兩各一

右為末食後米飲調服一錢

又補肝散 治圓翳內障

熟地黄 白茯苓 白菊花 細辛 白芍藥

栝子仁 甘草 防風 北柴胡

右水煎食後服

補腎丸 治圓翳內障

巴戟 山藥 破故紙炒 牡丹皮 茴香各五錢

肉蓯蓉 枸杞子各一兩 青鹽二錢半

右為末煉蜜為丸如梧桐子大每服三十九空心鹽

湯下

羚羊角飲子龍木 治圓翳內障不痛不痒

羚羊角三兩 細辛 知母 車前子 人參 黃

芩各二兩 防風二兩半

右為末每服一錢以水一盞煎至五分食後去滓溫服

阜角丸

見外障

生熟地黃丸

和劑

治肝虛目暗膜入水輪眼見黑花如豆

累累數十或見如飛蠱者治不瘥或視物不明混睛冷淚翳膜遮障內外瘡眼並皆治之

石斛 枳殼 防風 牛膝

各六兩

生地黃 熟

地黃

各一斤半

羌活 杏仁

各四兩

菊花

一斤

右末煉蜜丸如桐子大每服三十九以黑豆三升炒
令烟盡為度淬好酒六升每用半盞食前送下或蒺
藜湯下

通肝散 治水翳內障

梔子

蒺藜

炒

枳殼

荊芥

各四錢

車前子

牛蒡子

炒各二錢

甘草

四錢

右末每服二錢苦竹葉湯食後調下

八味還睛散

治散翳內障

蒺藜炒

防風

甘草

炙

木賊

梔子

各四錢

草決明

八錢

青葙子

炒

蟬蛻

各二錢

右末每服二錢麥門冬湯調食後服

空青丸 治沈翳細看方見其病最深

空青

一錢一方
用一銖

細辛

五味子

石決明

另研

車前子

各一兩

知母

生地黄

防風

各二兩

右為細末煉蜜丸如桐子大每服十丸空心茶湯下

涼膽丸 治眼狀青色大小眦頭澀痛頻頻下淚口苦

少飲食兼治黑花翳

黃連

洗不見火

黃芩

荊芥

龍膽草

各半兩

蘆薈

防風

各一兩

黃蘗

去麤皮

地膚子

各二錢半

右為細末煉蜜和丸如梧子大每服二十九丸食後薄荷湯送下

還睛丸

川芎

白蒺藜

木賊

白朮

羌活

兔絲子

熟地黃

甘草

各等分

右為細末煉蜜丸如彈子大空心熟湯嚼下

又方

川烏 地黃 白朮 茯苓 石決明 杏仁

川芎 兔絲子 各三兩 當歸 防風 荊芥 蔓

荊子 各半兩

右為末猪膽汁和丸如梧子大每服三十九麥門冬湯下

除風湯 治五風變成內障頭旋偏腫痛瞳人結白者

羚羊角 車前子 芍藥 人參 茯苓 大黃

黃芩 芒硝

各一兩

右為末水一盞散一錢煎至五分食後去滓溫服

本事方治內障

白羯羊肝

只用子肝一片
薄切新瓦上焙

熟地黄

一兩半

兔絲

子 麴仁

車前子

麥門冬

地膚子

去殼

澤

瀉 防風

黃芩

白茯苓

五味子

杏仁

炒

桂心

炒

細辛

枸杞子

羌蔚子

苦葶藶

青箱子

各一
兩

右為細末煉蜜丸如桐子大每服三四十丸溫湯下
日三服不拘時候張臺卿嘗苦目暗京師醫者令灸
肝俞遂轉不見物因得此方眼目遂明一男子內障
醫治無效因以餘劑遺之一夕燈下語其家曰適偶
有所見如隔門縫見火者及旦視之眼中翳膜俱裂
如線張云此藥靈勿妄與人忽之則無驗予益信之
且欲廣其傳也

羅漢應夢丸 治內障及因病赤眼食鹹物而得者

夜明沙

淨

當歸

蟬蛻

洗

木賊

去節各等分

右為末用羯羊子肝四兩水煮爛搗如泥入前藥末搗和丸如桐子大每服五十丸食後熟水下百日眼如故昔日徐道亨奉母至孝患眼食蟹遂內障暗誦般若經與市得錢米既侍母忽一夕夢羅漢授此方服眼得復明

神仙碧霞丹 治內障

當歸 沒藥

各二錢

血竭

白丁香

硼砂 片

腦 麝香

各一錢

馬牙硝

乳香

各半錢

黃連

三錢

銅綠

一兩半
為末

右為細末熬黃連膏和丸如雞頭實大每用新汲水
半盞於銀盒內浸常用每一丸可洗四五日大病不
過一月小病半月冷淚三日見效

內外障通治遠志丸

清心明目益肝退翳

遠志

水浸去心曬
乾薑汁蘸焙

車前子

白蒺藜

炒去刺

細

辛

各七錢半

全蝎

五枚

蟬殼

一兩洗焙

熟地黄

洗焙

茯苓

神

去木

川芎

人參

羌蔚子

蘆薈

研

琥珀

生地黄

蔓荊子

各半兩

右為細末煉蜜為丸如梧子大每服五十丸空心用

米飲臨睡用菖蒲湯下

局方明目地黄丸

治男女肝腎俱虛風邪所乘熱氣

上攻目翳遮睛目澀多淚

牛膝

酒浸三兩

石斛

枳殼

炒

杏仁

去皮尖

防風

各四兩

生熟地黄

各一斤

右為末煉蜜丸如梧子大每服三十丸食前鹽湯下

固本還睛丸

治遠年一切目疾內外翳膜遮睛風弦

爛眼及老弱人目眇多糊迎風冷淚視物昏花等證

天門冬 麥門冬

生地黃

熟地黄

各三兩

白

茯苓 枸杞子

人參

山藥

各一兩五錢

川牛膝

石斛 草決明 杏仁

白菊花

兔絲子

酒煮焙

枳殼

各一兩

羚羊角

屑

烏犀角

屑

青箱子

防風

錢各八

五味子

甘草

炙

蒺藜

川芎

黃連

錢各七

右為末煉蜜丸梧子大每服五十丸鹽湯下

還睛丸

治眼目昏翳

蟬蛻

蒼朮

熟地黃

川芎

蒺藜

炒各一兩

羌

活

防風

木賊

羌蔚子

白菊花

荊芥

蔓荊子

杏仁

兔絲子

酒煮焙

石決明

煨

蛇

皮

酒浸洗淨
焙各五錢

右為末煉蜜丸如彈子大每服一丸細嚼薄茶下

仙木散 治眼中翳膜

蛇皮

用卓角水洗

木賊

蟬蛻

蒺藜

炒

穀精草

防風 羌活

川芎

杏仁

甘草

各二錢五分

蒼

朮

一兩二錢半

右細末每服一錢食後蜜湯下

夢靈丸 治內外障眼

防風

蜜炙

威靈仙

枸杞子

麩仁

去殼

蒼朮

米泔

浸

石決明

水一升
煮乾

蚌粉

飛過

穀精草

各一兩

菊花

二兩

右為細末用雄猪肝一具竹刀切去筋膜和藥搗千餘杵入麪少許共搗丸梧桐子大每服三十丸食後鹽湯下忌煎燂酢豆腐等毒物

五退還光丸 治內外障眼

蟬退

炒

蛇退

炒

猪前爪

燒存性

刺蝟皮

麩炒去麩

蒼朮

泔水浸炒乾

枳實

防風

草決明

各一兩

蠶

退半
兩

右為細末煉蜜為丸如梧桐子大每服二十九丸茶清

送下一日二服

空青丸 治肝腎久虛目暗漸生翳膜

空青

研細水飛

真珠

研各二錢半

犀角屑 羚羊角屑

防風

去義

防己

升麻

剉各半兩

麥門冬

去心焙

人

參 茺蔚子

陽起石

研細

前胡

去蘆各一兩

虎睛

對一

右為細末煉蜜丸如梧子大每服五丸加至十九麥
門冬煎湯送下溫椒湯亦得

蕤仁丸 治內外障眼

蕤仁

三兩

車前子

黃連

去鬚各二兩

青箱子

湯浸

黃芩

去黑心

秦艽

去苗

生地黄

羚羊角末

防

風

去叉各一兩半

人參

天門冬

焙去心

升麻

苦參

炒

地膚子

菊花

玄參

炒

羌活

去蘆

決明

子

炒

地骨皮

甘草

炙

丹砂

各一兩二錢半

麥門

冬 去心焙
七錢半

右為細末煉蜜丸如桐子大每服二十丸加至三十丸食後煎百合湯送下但有瞳人不拘內外翳竝治之

觀音丸 治內外障失明或欲結青光內障或赤脉疼痛

血竭

熊膽

研各
二錢

人參

蛇蛻

阜角
瓦焙各半兩

水洗新

地骨皮

洗曬

木賊

去節童
便浸焙

蒼朮

童便
二宿曬

浸

鷹爪

黃連

去鬚

威靈仙

蔓荊子

茺蔚子

川芎

車前子

當歸

羌活

蟬蛻

洗曬

石決明

煅半生各

一兩

蠶蛻紙

二十幅炒熱

右為細末用羯羊肝一具去筋膜慢火煮半生半熟帶血性和藥同搗以粟米粉用肝汁煮糊丸如梧子大每服七八十九食後溫米泔或石菖蒲湯送下

八子丸

治風毒氣眼翳膜遮睛不計久新及內外障

眼

青箱子

決明子

炒

車前子

五味子

枸杞

子地膚子

茺蔚子

葶藶子

炒

麥門冬

去心

焙

細辛

去苗

官桂

去麤皮

生地黄

洗焙

赤茯苓

去黑皮

澤瀉

去土

防風

去義

黃芩

去黑心各一兩

右為細末煉蜜和丸如梧桐子大每服二十九加至
三十九茶清送下溫米飲亦得日三

靈圓丹

治男子婦人攀睛翳膜痒澀羞明赤筋碧暈

內外障癢肉風赤眼

蒼朮

米泔浸
四兩

川芎 柴胡 白附子 遠志

去心

羌活 獨活 甘菊花 石膏 防風 全蠍

青箱 青皮 陳皮 荊芥 仙靈皮

炙酥

木賊

去節

楮實

黃芩

甘草

各一兩

右為細末水浸蒸餅丸如彈子大每服一九食後細嚼荊芥湯或茶清送下日二服忌酒麪

磨翳丸 治眼生諸般翳膜大效

木賊 黃連 川芎 穀精草 當歸 白芷

赤芍藥 蟬退 荊芥 防風 羌活 大黃

獨活 黃芩 白菊花 生地黃 石膏煨 龍

退 梔子 青箱子 蠶退 甘草 石決明煨

草決明 蔓荊子各等分

右為末米糊丸如桐子大每服三十丸食後茶清下

退翳丸 治一切翳膜

蟬退 白菊花 夜明沙 車前子 連翹各五錢

黃連一兩 蛇退一條

右為末米泔煮猪肝凡如梧子大每服三十丸薄荷湯下

石決明散 治障膜

石決明

煅

枸杞子 木賊 荊芥 晚桑葉

穀精草 粉草 金沸草 蛇退 蒼朮 白菊

花

各等分

右為末每服二錢茶清調食後服

韓相進靈丹 去內外障

防風 石決明 威靈仙 麩仁 蛤粉 穀精

草 枸杞子 蒼朮 甘草 菊花

各一兩

右為末用雄豬肝一具竹刀批開去膜搗極爛和藥為丸如棗豆大每服三十丸鹽湯下

治內外障有淚

羌活 甘草 蒼朮 川芎 木賊 菊花 石

決明 石膏 蒺藜 蛇蛻 旋覆花 蟬蛻

青箱子 楮實

各等分

右為細末煉蜜丸龍眼大食後茶清湯嚼下

甘菊湯 治內外障翳一切眼疾

甘菊花 升麻 石決明 旋覆花 芎藭 大

黃

炒各半兩

羌活

去蘆

地骨皮

石膏

碎

木賊

炒

青箱子 車前子

黃芩

去黑心

防風

去蘆

梔子

仁 草決明

炒

荊芥穗

甘草

炙各一兩

黃連

去鬚

二錢五分

右剉碎每服三錢水一盞蜜少許同煎至七分去滓

夜卧食後溫服

太陰玄精石散 治内外障眼

玄精石

一兩細研
須真者

蟬退

洗去
土

菊花

去枝梗
各一兩

石決明

煨存
性

羌活

各半
兩

甘草

四
兩

右為細末每服一錢食後麥門冬湯下

煮肝散 治内外障翳眼

右用猪肝二兩批開以夜明沙末二錢匕摻在肝内
麻繩縛定用水一盞煮令肝變色白取出爛嚼用煮

肝湯送下食後溫服

蟬花散 治肝經蘊熱風毒之氣內搏上攻眼目翳膜
遮睛赤腫疼痛昏暗視物不明隱澀難開多生眵淚
內外障眼

蟬蛻

洗淨
去土

菊花

去
梗

穀精草

洗去
土

白蒺藜

炒

防風

不見
火

密蒙花

去
枝

羌活

草決明

炒

黃

芩

去
土

川芎

不見
火

蔓荊子

山梔子

去
皮

荊芥

穗

木賊草

甘草

炙各
等分

右為細末每服二錢用茶清調服或荊芥湯入茶少許調服亦可食後臨卧皆可服

開明散 治風毒氣眼朦澀障膜

甘菊花

去萼
二兩

防風

羌活

蒺藜

炒去
刺

川芎

天麻 茯苓

蒼朮

童便浸
一宿焙

蟬蛻

各半
兩

荊芥

芫薺子 華陰細辛

甘草

炙各二
錢半

右為細末每服二錢食後鹽湯調服

草龍膽散 治上焦風熱氣毒攻衝眼目暴赤礫痛羞

明多眇迎風有淚翳膜努肉攀睛

龍膽草

去蘆

木賊

去節

菊花

去梗

草決明

微炒

甘

草

炙各二兩

香附子

炒去毛

川芎

不見火各四兩

右為細末每服二錢用麥門冬熟水入砂糖少許同煎食後調服或米泔調服亦可

單服蒼朮法 補下元明目治內外障

金州蒼朮

揀大塊刮令淨秤一斤分作四分一分用無灰好酒浸三日一分用米醋浸三

日一分用童便浸三日一日兩換一分用米泔浸五日一日一換

右浸日數足漉出更不淘洗切作片或曬或焙乾入
黑芝麻三四兩同入鍬上炒令甘香搗為細末以前
浸藥餘酒煮糊為丸如桐子大若酒少入醋些少丸
每服四五十丸白湯或酒送下

菩薩膏 治內外障

滴乳

南硼砂

各二錢

片腦

半錢

麝仁

四十九粒
去皮熬

蕪荑

四十粒

白砂蜜

一兩

右先將蕪荑麝仁研去油入諸藥再研取沙蜜於湯

瓶上蒸熔以紙濾過同諸藥攪勻用瓶盛貯紙封遇患挑少許在盞內沸湯泡洗

洗眼方 治內外障翳膜赤脉昏澀

右以桑條於二三月間採嫩者曝乾淨器內燒過令火自滅成白灰細研每用三錢入磁器或銀石器中以沸湯泡打轉候澄清者入於別器內更澄以新綿濾過極清者置重湯內令熱開眼淋洗逐日一次但是諸眼疾皆效

立應散 治內外障翳昏澀多淚及暴赤眼一切目疾
並皆治之三次嚙鼻

香白芷

洗

當歸

去蘆洗

雄黃

另研後入

鵝不食草

淨洗

川附子

炮各等分

躑躅花

減半

右為細末入麝香少許和勻含水嚙鼻內去盡濁涕
眼淚為度

治內外障眼嚙藥

麻黃根

一兩

當歸身

一錢

右同為麤末炒黑色入麝香乳香少許乃為細末口
含水鼻內嚙之

蟾光膏 治遠年病目不通道路退去雲膜須用十二
月開成日合

白砂蜜

四兩用隔年葱根去鬚皮切短與蜜同熬
去白膜候葱熟為度以綿濾淨紙取蠟面

黃丹

蜜陀僧

各水飛三錢生用

爐甘石

火煨五錢水飛

以上三味研極細入前蜜中桃柳無節者各一枝攪
勻

當歸 赤芍藥

各半兩

黃連

去蘆各二兩

杏仁

湯泡去皮

尖

川芎

各五錢

秦皮

訶子皮

防風

石膏

玄精石

并泉石

無名異

玄參

代赭石

石決明

各二錢

以上十五味咀咀用雪水或長流水五升於銀器內
熬至二升濾去滓淨再熬至一升傾入前藥蜜內銀
器內慢火熬紫色時再下後藥勿令過火

乳香

沒藥

琥珀

硃砂

麝仁

各三錢

以上五味先乾研極細入麝仁研細水飛澄清極細
方傾入前藥一同復熬以筋點藥於水中不散為度
勿令過與不及取下於土中埋七日取出置於銀器
或磁器中如法收貯便再添入後細藥以桃柳枝攪
勻

南硼砂 珍珠 龍腦 珊瑚枝 麝香

各一錢

半錢

右五味研極細入藥中封定如有取不盡藥用淨水
斟酌洗渲熬過另於洗眼或膏子稠了傾些小調解

碧霞膏 治內外障竝效

爐甘石

黃丹

各四兩

銅綠

二兩

黃連

一兩

當歸

尾

二錢

乳香

沒藥

朱砂

硼砂

血竭

海

螵蛸

青鹽

白丁香

輕粉

各一錢

麝香

五分

右為細末黃連膏為丸如皂角子大每用一丸新汲水半盞於磁盒內浸洗每一丸可洗四五次大病不過一月小病半月冷淚三日見效

日精月華光明膏 能開一切內障善治翳膜遮睛及

攀睛努肉不日掃除無問年久日深或一目兩目俱患但能見人影者悉皆治之如雲開見日

黃連

研四兩末

當歸

研一兩

訶子

核研一對去

石決明

研二兩

研細

石膏

一兩半研用臘水或雪水浸三日

大鵝梨

二十枚搥碎用布扭

去滓

豬胰

二具草拔扭去筋膜

爐甘石

四兩火燒童子小便淬燒五次

黃丹

研四兩細炒

馬牙硝

飛錢二

銅綠

研

真膽礬

研

鵬砂

另研各一錢半

沒藥

四錢另研

乳香

三錢另研

防風

錢一

天花粉

半錢

輕粉

一錢另研

麝香

半錢另研

片腦

半錢
另研

右先將黃連等五味浸三日却用大砂鍋一口內藥水再添滿七分熬重綿濾過至四五碗却入鰲梨猪胰再熬至三碗再濾過再下鍋入爐甘石黃丹再熬至二碗又濾過却下馬牙硝等八味以槐柳枝不住手攪勻候成膏仍濾淨入瓶內却入腦麝粉三味攪勻以油紙密封勿令水入放冷水內浸三日取出每用以銅筋點眼良

瞳神散大熟地黃丸 治血弱陰虛不能養心致火旺
於陰分瞳子散大少陰為火君主無為不行其令相
火代之與心包絡之脉出心系分為三道少陰相火
之體無形其用在其中矣火盛則能令母實乙木肝
旺是也其心之脉挾目系肝之脉連目系況手足少
陽之脉同出耳中至耳上角斜起終於目外小眥風
熱之盛亦從此道來上攻頭目致偏頭腫悶瞳子散
大視物昏花血虛陰弱故也法當養血涼血益血收

火散火而除風熱則愈矣

熟地黃

一兩

柴胡

去苗八錢

生地黃

七錢半酒浸焙

當歸

身

酒洗

黃芩

各半兩

天門冬

去心焙

五味子

地

骨皮

黃連

各三錢

人參

去蘆

枳殼

炒

甘草

炙各

二錢

右為細末煉蜜丸如棗豆大每服一百丸茶湯送下
食後日二服制之緩也大忌辛辣物助火邪及食寒
冷物損其胃氣藥不上行也又一論云腫子黑眼法

於陰由食辛熱之物助火乘於胸中其睛故散睛散則視物亦大也

保命集當歸湯 治翳補益瞳子散大

黃連 柴胡

錢各一

當歸身 黃芩

芍藥

錢各二

熟地黄 甘草

炙各三錢

右水煎臨卧服

濟陰地黃丸 治足三陰虧損虛火上炎致目睛散大

視物不的或昏花澀緊作痛畏明或卒見非常之處

等證其功效與六味還少丹相似

五味子 麥門冬 當歸 熟地黃 肉蓯蓉

山茱萸 乾山藥 枸杞子 甘菊花 巴戟肉

各等分

右爲末煉蜜丸桐子大每服七八十丸空心白湯下
腫神緊小抑陽酒連散 治神水緊小漸如菜子許及
神水外圍相類蟲蝕者然皆能覩物不昏微有眊瞤
羞澀之證

生地黃 獨活 黃蘗 防風 知母 防己 各三

分 蔓荊子 前胡 羌活 白芷 生甘草 各四

分 黃芩 酒製 梔子 寒水石 黃連 酒製各五分

水二盞煎至一盞去滓大熱服

右方抑陽緩陰之藥也以生地黃補腎水真陰為君
獨活黃蘗知母俱益腎水為臣蔓荊子羌活防風白
芷羣隊升陽之藥為佐者謂既抑之令其分而更不
相犯也生甘草黃芩梔子寒水石防己黃連寒而不

走之藥為使者惟欲抑之不欲祛除也酒製者為引
導也

還陰救苦湯

喘鼻碧雲散

俱目赤

目昏花羊肝丸

鎮肝明目

羯羊肝

一具新瓦盆中燂了更焙之肝大止用一半

甘菊花 羌活

栢子仁

細辛

官桂

白朮

五味子

各半兩

黃連

七錢半

右為細末煉蜜丸如梧子大空心食前溫湯下三四

十九

千金補肝散 治目失明

青羊肝

一具去膜薄切以瓦瓶子未用者入肝於中炭火炙之為極細末

蓼子

一合熬令香

右為末食後服方寸匕日二加至三匕不過一二劑能一歲服可夜讀細書

養肝丸

濟生

治肝血不足眼目昏花或生眵淚

當歸

酒洗

車前子

酒蒸焙

防風

去蘆

白芍藥

薤仁 熟地黄

酒蒸焙

川芎

枳實

等分

右為末煉蜜為丸如桐子大每服七十丸熟水送下
不拘時 一方無川芎枳實

地黄丸

一名菊
花丸

治用力勞心肝虛風熱攻眼赤腫羞

明漸生翳膜無肝腎風毒熱氣上衝目痛久視復血
血主肝故勤書則傷肝而目昏肝傷則木生風而熱
氣上湊目昏亦盛不宜專服補藥當益血鎮肝而目
自明矣

熟地黄

半一兩

甘菊花

防風

光明硃砂

羌

活桂心

沒藥

各半兩

決明子

黃連

各一兩

右為細末煉蜜丸如梧子大每服三十丸食後熟水下日三晉犯寤嘗苦目痛就張湛求方湛戲之曰古方宋陽子少得其術以授魯東門伯次授左丘明遂世世相傳以及漢杜子夏晉左太沖凡此諸賢並有目疾得此方云省讀書一減思慮二專內視三簡外觀四旦起晚五夜早眠六凡六物熬以神火下以氣

篩蘊於胃中七日然後納諸方寸修之一時近能數其目睫遠視尺筭之餘長服不已非但明目且亦延年審如是而行可謂之嘲戲亦奇方也

補肝湯 治肝虛兩脇滿痛筋脉拘急不得喘息眼目昏暗面多青色

防風

去叉

細辛

去苗

栝子仁

白茯苓

去皮

官桂

去麤皮

山茱萸

蔓荊子

去浮皮

桃仁

湯浸去皮尖雙仁炒

甘草

微炒各等分

右以咀每服五錢水一盞半大棗二枚擘破同煎至
八分溫服無時日再

雷巖丸 治男婦肝經不足風邪內乘上攻眼睛淚出
羞明怕日多見黑花翳膜遮睛瞼生風粟或痒或痛
隱澀難開魚久患偏正頭風牽引兩目漸覺細小視
物不明皆因腎水不能既濟肝木此藥人服大補腎
藏添目力

枸杞子

菊花

各二兩

肉蓯蓉

巴戟

酒浸一宿去心

牛膝

各一兩

川椒

三兩
去目

黑附子

青鹽二錢以米泔水三升同煮

水盡去
皮臍

右為細末浸藥酒煮麪糊和丸梧子大每服十丸空

心酒送下

補肝丸 治眼昏暗將成內障

羌蔚子 青箱子 枸杞子 五味子 決明子

杏仁 茯苓

去皮各一兩

乾地黄

三兩

兔絲子

二兩

山藥 車前子 地骨皮

焙

栢子仁 大黃

黃芩

去黑心

黃連

去鬚

人參

細辛

防風

去叉

甘草

炙各一兩半

右為細末煉蜜丸如梧子大每服二十九加至三十丸食後米飲下

石決明丸 治證同上

石決明

槐子

肉蓯蓉

酒浸一宿去鱗甲炙乾

兔絲子

酒浸三日曝乾另研為末

陽起石

酒煮七日細研水飛過

熟地黃

各一

兩

桂心

半兩

磁石

一兩半火煨醋淬七次細研水飛過

右為細末煉蜜和搗二三百杵丸如梧子大每服二十丸旋加至三十丸食前鹽湯下

益本滋腎丸

黃檗

去麤皮

知母

去毛各剉碎酒洗炒各等分

右為極細末滴水丸如梧子大每服一百五十丸空心熱湯下服後以乾物壓之

補腎丸 治腎氣不足眼目昏暗瞳人不明漸成內障

磁石

煨醋淬七次水飛過

兔絲子

酒蒸二次各二兩

五味子

枸杞子

石斛

去根

熟地黄

酒蒸焙

覆盆子

酒浸

楮實子

菴蓉

酒浸焙

車前子

酒蒸各一兩

沉香

青鹽

二味另研各半兩

右為末煉蜜丸如桐子大每服七十丸空心鹽湯下

六味地黄丸

八味地黄丸

並見虛勞

千金磁硃丸

石斛夜光丸

益陰腎氣丸

滋陰地黄丸

並見內障

羚羊羌活湯

治肝腎俱虛眼見黑花或作蠅翅

羚羊角

屑

羌活

黃芩

去黑心

附子

去皮臍

人

參 澤瀉 秦艽 山茱萸 車前子 青箱

去苗

子 決明子

微炒

柴胡

去苗各一兩半

黃芪

二兩

甘草

微炒一兩

每服五錢水一盞半煎至八分去滓不拘時溫服日

再

菊睛丸 治肝腎不足眼昏常見黑花多淚

枸杞子

三兩

菰蓉

酒浸炒

巴戟

去心各一兩

甘菊花

四兩

右為末煉蜜為丸如梧子大每服五十丸溫酒鹽湯食遠任下余太宰方加熟地黃二兩

石決明丸 治肝虛血弱日久昏暗

知母

焙

山藥 熟地黃

焙

細辛

去苗各一兩

石

決明 五味子 兔絲子

酒浸一宿另搗為末各一兩

右為細末煉蜜丸如桐子大每服五十丸空心米飲

送下

駐景丸 治肝腎虛眼昏翳

熟地黄

車前子

各三兩

兔絲子

酒煮五兩

為末煉蜜丸梧子大每服五十丸食前白茯苓石菖蒲湯送下又方加枸杞子一兩半尤佳

加減駐景丸

治肝腎氣虛視物朧朧血少氣多

車前子

畧焙

五味子

枸杞子

各二兩

當歸

去尾

熟地黄

各五兩

楮實

無翳者不用

川椒

炒各一兩

兔絲

子

酒煮焙半斤

右為細末蜜水煮糊丸如桐子大每服三十九空心

溫酒送下鹽湯亦可

白附子散 治發散初起黑花昏朦內障

荊芥 白菊花 防風 木賊 白附子 粉草

蒼朮 人參 羌活 蒺藜

右水煎食後服

補腎磁石丸 治肝腎氣虛上攻眼目昏暗遠視不明

時見黑花漸成內障

磁石

火煨紅
醋淬

甘菊花

石決明

肉蓯蓉

酒浸
切焙

兔絲子

酒浸一宿慢火焙乾各一兩

右為細末用雄雀十五隻去毛嘴足留肚腸以青鹽二兩水三升同煮令雄雀爛水欲盡為度取出先搗如膏和藥末為丸如梧子大每服二十九丸空心溫酒送下

千金神麴丸即磁硃丸

見前

三仁五子丸 治肝腎不足體弱眼昏內障生花不計遠近

栢子仁 薏苡仁 酸棗仁 兔絲子酒製 五味

子 枸杞子酒蒸 覆盆子酒浸 車前子酒浸 肉蓯

蓉 熟地黃 白茯苓 當歸 沈香各等分

右為細末煉蜜丸如桐子大每服五十丸空心用鹽

酒送下

麝羊角散 治肝臟實熱眼目昏暗時多熱淚

麝羊角鎊 羌活去蘆 玄參 車前子 黃芩去黑

心 山梔仁 瓜蒌各半兩 胡黃連 菊花各七錢半

細辛

去苗二錢半

右為細末食後竹葉煎湯調服二錢

蕤仁丸

治眼見黑花飛蠅澀痛昏暗漸變青盲

蕤仁

去皮

地膚子

細辛

去苗

人參

地骨皮

去土

石決明

洗淨別搗羅

白茯苓

去皮

白朮

各二兩

熟地

黃

焙

楮實

各三兩

空青

另研

防風

去叉各一兩半

石

膽

研如粉半兩

鯉魚膽

五枚

青羊膽

一枚

右為細末研勻以膽汁同煉蜜和丸如桐子大每服

二十九食後米飲送下

熟地黄丸

見腫神散大

摩頂膏 治肝腎虛風上攻眼生黑花或如水浪

空青

研

青鹽

研半兩

槐子 木香

附子

各一兩

牛酥

二兩

鷲脂

四兩

旱蓮草

自然汁一升

龍腦

半錢

丹砂

二錢半研

右為細末先以旱蓮草汁牛酥鷲脂銀器中熬三五

沸下諸藥末煎減一半即止盛磁器中臨卧用舊鏝

鐵一片重二三兩煎藥於頂上摩二三十徧令入髮
竅中次服決明丸忌鐵器

又方 治眼前見花黃黑紅白不定

附子

炮製去皮臍去

木香

各一兩

朱砂

二錢半

龍腦

半錢

青鹽

一兩半

牛酥

二兩

鵝脂

四兩

右將前藥為末同酥脂以慢火熬成膏每用少許不
拘時頂上摩之

決明丸 治眼見黑花不散

決明子

甘菊花

各一兩

防風

去蘆

車前子 芎

翳細辛

梔子仁

蔓荊子

玄參

白茯苓

薯蕷

各半兩

生地黄

七錢半

右為細末煉蜜和搗二三百杵丸如梧子大每服二

十丸食後煎桑枝湯送下日三

白龍粉

治腎水衰虛肝經邪熱視物不明或生障翳

努肉攀睛或迎風淚出眼見黑花或如蠅飛或如油

星或睛澀腫痛或痒不可忍並皆治之

右用硝三斗於二九月造一大罐熱水化開以綿濾過入銀器或石器內煎至一半已上就鍋內放溫傾銀盆內於露地放一日次日結成塊子於別水內洗淨再用小罐熱水化開熬入蘿蔔二箇切作片子同煮以蘿蔔熟為度傾在磁器內撈蘿蔔不用於露地露一宿次日結成塊子去水於日中曬一日去盡水入好紙袋盛放於透風日處掛曬至風化開成用逐旋於乳鉢內攪研極細點眼如常法亦名玄明粉

煮肝散 治眼生黑花漸成內障及鬪睛偏視風毒攻

眼腫痛澀痒短視倒睫雀目

羌活

去蘆

獨活

去蘆

青箱子

甘菊花

各一兩

右為細末每服三錢七羊子肝一葉剉細淡竹葉數片同裹如粽子別用雄黑豆四十九粒米泔一碗銀石器內同煮黑豆爛泔乾為度取肝細嚼溫酒下又將豆食盡空心日午夜卧服

服椒方 治肝腎虛風上攻眼目生黑花頭目不利能

通神延年用川椒一斤揀淨去目及合口者於銚內炒令透於地上鋪淨紙二重用新盆合定周迴用黃土焙之半日去毒出汗然後取之曝乾為度只取椒於磁盒子內收每日空心新汲水下十粒

芎藭散 治目暈昏澀視物不明

芎藭 地骨皮 荊芥穗 何首烏

去黑皮

菊花

旋覆花 草決明 石決明

刷淨

甘草

炙各一兩

青

箱子 蟬蛻

去土

木賊

各半兩

白芷

二錢半

右為細末每服一錢匕食後米泔水調下

磁石丸 治眼因患後起早元氣虛弱目無翳膜視物

昏暗欲成內障

磁石

二兩煨醋淬七次
杵碎細研水飛過

肉蓯蓉

一兩酒浸一宿
剉去皴皮炙令

乾

兔絲子

酒浸五日曝乾
別研為末三兩

補骨脂

微炒

巴戟

去心

石斛

去根

遠志

去心

熟地黄

各一兩

五味子

木香 甘草

炙赤

桂心

各半兩

右為細末研勻煉蜜和搗二三百杵丸如梧子大每

服三十九食前溫酒送下一方有茯神無遠志石斛

四物五子丸 治心腎不足眼目昏暗

當歸

酒浸

川芎 熟地黃 白芍藥 枸杞子

覆盆子

地膚子

兔絲子

酒浸炒

車前子

酒蒸量虛

實加減
各等分

右為細末煉蜜和丸如桐子大每服五十丸不拘時

鹽湯送下

杞苓丸 治男子腎臟虛耗水不上升眼目昏暗遠視

不明漸成內障

枸杞子

四兩酒蒸

白茯苓

八兩去皮

當歸

二兩

兔絲子

四兩酒浸蒸

青鹽

一兩另研

右為細末煉蜜和丸如桐子大每服七十九食前用

白湯送下

瑞竹四神丸

治腎經虛損眼目昏花補虛益損及雲

翳遮睛

甘州枸杞子

一斤揀色赤滋潤者以酒一杯潤之分作四分一分同川椒一兩炒一分

同小茴香一兩炒一分同
芝蔴一合炒一分獨炒用

炒過將川椒等篩去不用再加熟地黃白朮白茯苓
各一兩共為細末煉蜜和丸如梧子大每服五七十
丸空心溫酒送下或加甘菊花一兩

夜光丸

一名雙美丸

治眼目昏暗及諸疾兼退翳膜

蜀椒

去目并合口者炒出汗一斤半搗末一斤

甘菊花

取末一斤

右和勻取肥地黃十五斤切搗研絞取汁八九升許
將前藥末拌浸令勻曝稍乾入盤中攤暴三四日內

取乾候得所即止勿令太燥入煉蜜二斤同搗數千
杵丸如梧桐子大每服三十丸空心日午熟水下久
服目能夜視髮白再黑通神強志延年益壽一方用
熟地黄二兩酒浸九蒸九曝食後細嚼新浙米十粒
以湯送下或茶下亦得

密蒙花散 治冷淚昏暗

密蒙花 甘菊花 杜蒺藜 石決明 木賊

去節

白芍藥 甘草

炙各等分

右為細末每服一錢茶清調下服半月後加至二錢

流氣飲治風熱上攻視物不明常見黑花

見外障

還睛補肝九 治肝虛兩目昏暗衝風淚下

白朮

細辛

去苗

芎藭

決明子

微炒

人參

羌

活

去蘆

當歸

切焙

白茯苓

去皮

苦參

防風

去叉

官桂

去皮

地骨皮

玄參

黃芩

去心

五味

子

車前子

微炒

菊花

青箱子

甘草

炙各等分

右為細末煉蜜為丸如梧子大每服三十丸加至四

十丸不拘時米飲下

鎮肝丸 治肝經不足內受風熱上攻眼目昏暗痒痛隱

澀難開多眵灑淚怕日羞明時發瘰癧赤或生翳障

遠志

去心

地膚子 羌蔚子 白茯苓

去皮

防風

去蘆

決明子

蔓荊子

人參

各一兩

山藥

青

箱子 柴胡

去苗

栝子仁

炒

甘草

炙

地骨皮

玄參 車前子

甘菊花

各半兩

細辛

去苗

右為細末蜜水煮糊丸如桐子大每服三十丸食後

用米湯下日三

真珠煎 治肝虛寒目茫茫不見物

真珠

二錢半
細研

鯉魚膽

二枚

白蜜

二兩

右合和銅器中微火煎取一半新綿濾過磁瓶中盛
每以銅筋點如黍米著目皆即淚出頻點取瘥

又方

以黃蘗一瓜甲許每朝含使津置掌中拭目訖以水
洗之至百日眼明此終身行之永除眼疾

治暑月或行路目昏澀多眵粘者以生龍腦薄荷五七葉淨洗手揉爛以生絹捩汁滴入眼中妙

治眼目昏暗

用園桑老皮燒灰水一盞煎至七分去滓澄清洗一週年如童子眼光明并開洗眼日于後

正月初八 二月初十 三月初五 四月初八

五月初八 六月初七 七月初七 八月初三

九月初十 十月初九 十一月初十 十二月二

十二

又方

用朴硝六錢重用水一盞煎至八分候冷定澄清下次分定每月一日洗至一年之間眼如童子光明

正月初一 二月初八 三月初四 四月初五

五月初五 六月初四 七月初五 八月初一

九月十三 十月十三 十一月十六 十二月初

五

青魚膽方治目暗

右用青魚膽汁滴目中

又方

用鷹眼睛一對炙乾搗末研令極細以人乳汁再研
每以銅筯取少許點於瞳人上日夜三度可以夜見
物或取臘月雛鵠眼依上法用效三日見碧霄中物
忌烟熏

金絲膏治一切目疾昏暗如紗羅所遮或疼痛

宣黃連

半兩剉碎水一盞浸一宿取汁再添水半盞浸滓經半日絞取汁與前汁放一處滓

別用水

半盞浸

蜜

一兩

白礬

一字

井鹽

一分如無以青鹽代

山

梔子

好者二錢搥碎與黃連滓同煮五七十沸取盡力漉去滓與前黃連汁一處入餘藥


右用銀磁器內熬十餘沸用生絹上細紙數重再濾過用時常點

點鹽法

明目去昏翳大利老眼得補益之良

右以海鹽隨多少淨揀以百沸湯泡去不淨濾取清汁於銀石器內熬取雪白鹽花用新瓦器盛每早用

一大錢作牙藥揩擦以水漱動用左右手指背互
口內蘸鹽津洗兩眼大小皆內閉目良久却用水洗
面名洞視千里明目堅齒實為妙法東坡手錄目赤
不可具湯浴并忌用湯泡足湯軀體中熱併集於頭
目喪明必矣



證治準繩卷三十四

欽定四庫全書

子部

證治準繩卷三十五

詳校官太醫院醫士_臣舒岱

編修_臣倉聖脈覆勘

總校官進士_臣朱鈐

校對官中書_臣宋枋遠

謄錄監生_臣鄒世俊

欽定四庫全書

證治準繩卷三十五

明 王肯堂 撰

類方

七竅門

目

青盲救睛丸

見旋螺
頭起

雀盲決明夜靈散 治目至夜則昏雖有燈月亦不能

觀

石決明

另研

夜明砂

另研各二錢

豬肝

一兩生用不食猪者以白

羯羊肝代

上二藥末和勻以竹刀切肝作兩片以藥

鋪於一片肝上以一片合之用麻皮纏定勿令藥得泄出淘米泔水一大碗貯砂罐內不犯鐵器入肝藥於中煮至小半碗臨睡連肝藥汁服之

右方以決明鎮腎經益精為君夜明砂升陽主夜明為臣米泔水主脾胃為佐肝與肝合引入肝經為使

蛤粉丸 治雀目日落不見物

蛤粉

細研

黃蠟

等分

上熔蠟搜粉為丸如棗大每

用豬肝一片二兩許剉開裹藥一丸麻線纏入罐內
水一碗煮熟傾出乘熱薰目至溫坼肝以愈為度

瀉肺飲 治肝虛雀目恐變成內障

防風

去叉

黃芩

去黑心

桔梗

炒

芍藥

大黃

各炒

一兩

上剉碎每服三錢匕水一盞半煎至一盞入

芒硝半字去滓放溫食後臨卧服

猪肝散 治雀目

蛤粉 黃丹 夜明沙各等分 研末猪肝切開入

藥末用線紮米泔水煮熟不拘時嚼服原汁送下

夜明丸 治雀目青盲

夜明沙 木賊 防風 田螺殼 青木香 細

辛各等分 研為末爛煮猪肝用末藥於淨沙盆內

研令極勻丸如桐子大每服三十丸米飲或酒下

轉光丸 治肝虛雀目青盲

生地黃 白茯苓 川芎 蔓荊子 熟地黃

防風 山藥 白菊花 細辛

各等分

研為末煉

蜜和丸如梧子大每服二十九丸空心桑白皮湯送下

灸雀目疳眼法

寶鑑

小兒雀目夜不見物灸手大指甲後一寸內臙橫文
頭白肉際灸一炷如小麥大

小兒疳眼灸合谷二穴各一壯炷如小麥大在手大

指次指兩骨間陷者中

按灸法詳見資生
等經茲不備錄

神水將枯瀉膽散 治瞳神乾缺外障

玄參 黃芩 地骨皮 麥門冬 知母 各一兩

黃芪 茺蔚子 各一兩半 每服五錢水一盞煎五分

去滓食後溫服

轆轤轉關天門冬飲子

天門冬 茺蔚子 知母 各二兩 五味子 防風

各一兩 人參 茯苓 羌活 各一兩半 每服五錢水

一盞煎五分去滓食後溫服

玄參瀉肝散

麥門冬

二兩

大黃

黃芩

細辛

芒硝

各一兩半

玄參

桔梗

各一兩半

用水煎食後服

麥門冬湯

見目赤

雙目睛通牛黃膏

治小兒通睛

牛黃

一錢

犀角

二錢

甘草

一分二厘

金銀箔

各五片

右為末煉蜜丸菴豆大每服七丸薄荷湯下

倒睫拳毛黃芪防風飲子

治眼稜緊急以致倒睫拳

毛損睛生翳及上下臉皆赤爛羞澀難開眇淚稠粘

蔓荊子

黃芩

各半錢

炙甘草

黃芪

防風

各一

錢

葛根

一錢半

細辛

二分

一方有人參一錢當

歸七分半用水二盞煎至一盞去滓大熱服

一方只葛

根防風蔓荊子細辛甘草
餘藥不用名神效明目湯

右方以蔓荊子細辛為君除手太陽手少陰之邪肝
為二經之母子平母安此實則瀉其子也以甘草葛
根為臣治足太陰足陽明之弱肺為二經之子母薄

子單此虛則補其母也黃芪實皮毛防風散滯氣用之以為佐黃芩療濕熱去目中赤腫為之使也

無比蔓荊子湯 治證同上

黃芪 人參 生甘草

各一錢

黃連

柴胡

各七分

蔓荊子

當歸

葛根

防風

各五分

細辛葉

三分

水二盞煎至一盞去滓稍熱服

右方為肺氣虛黃芪人參實之為君心受邪黃連除之肝受邪柴胡除之小腸受邪蔓荊子除之為臣當

歸和血葛根解除為佐防風療風散滯生甘草大瀉
熱火細辛利九竅用葉者取其升上之意為使也

決明益陰散

見目痛

菊花決明散

見目赤

瀉肝散

洗刀散

五退還光散

五退散

皂角丸

俱見前

青黛散

治眼倒睫神效

棗樹上黃直棘針

刺蝟皮

焦炒

白芷

青黛

各等

分

為細末口噙水左眼倒睫左鼻內噙之右眼

倒睫右鼻內噙之

四退散 治倒睫拳毛

蟬退

蛇退

醋煮

猪蹄退

炒

蠶退

荊芥

各二錢半

川烏

炮

穿山甲

燒

粉草

各半兩

研為末每服

一錢淡鹽湯調下又方加防風石決明草決明各五

錢

起睫膏

木鼈子

去殼一錢

自然銅

五分製

上搗爛為條子噓

鼻又以石燕末入片腦少許研水調敷眼弦上

起倒睫

用石燕為細末先鐺去睫毛次用水調末貼眼弦上
常以黃連水洗之

脾急緊小神效黃芪湯 治兩目緊急縮小羞明畏日
或隱澀難開或視物無力睛痛昏花手不得近或目
少睛光或目中熱如火服五六次神效

黃芪

二兩

人參

去蘆

炙甘草

白芍藥

各一兩

陳皮

去白半兩

蔓荊子

二錢

每服四五錢水一盞八分煎

至一盞去滓臨卧稍熱服如小便淋澀加澤瀉五分
如有大熱證加黃蘗三錢酒炒四次如麻木不仁雖
有熱不用黃蘗再加黃芪一兩如眼緊小去芍藥忌
酒醋濕麪大料物葱韭蒜及淡滲生冷硬物

撥雲湯

見外障

連翹飲子 治目中溜火惡日與火隱澀小角緊久視
昏花迎風有淚

連翹 當歸 紅葵花 蔓荊子 人參 甘草

生用

生地黄

各三分

柴胡

二分

黃芩

酒製

黃芪

防風

羌活

各半錢

升麻

一錢

右剉每服五錢水二盞煎至一盞去滓食後稍熱服

雷巖丸

見目昏

蟬花無比散

見通治

脾肉粘輪排風散 治兩瞼粘睛外障

天麻

桔梗

防風

各二兩

五味子

烏蛇

細

辛

芍藥

乾蠍

各一兩

研為細末每服一錢食

後米飲調下

龍膽丸 治眼兩胞粘睛赤爛成瘡

苦參 龍膽草 牛蒡子 各半分 研為末煉蜜丸

如梧桐子大每服二十九食後米泔下

廣大重明湯 見外障

風沿爛眼紫金膏 見前

菊花通聖散 治兩瞼潰爛或生風粟

白菊花 一兩半 滑石 三兩 石膏 黃芩 甘草

桔梗

牙硝

黃連

羌活

各一兩

防風

川芎

當歸

赤芍藥

大黃

薄荷

連翹

麻黃

白蒺藜

芒硝

各半兩

荊芥

白朮

山梔子

各二

錢半

上咬咀每服三錢水一盞半生薑三片同煎

七分食後服

洗刀散

見前

柴胡散

治眼眶澀爛因風而作用氣藥燥之

柴胡

羌活

防風

赤芍藥

桔梗

荊芥

生地黃 甘草 用水煎服

撥雲散

見外障

蟬花無比散

見通治

黃連散 治眼爛弦風

黃連 防風 荊芥 赤芍藥 五倍子 蔓荊

子 覆盆子根

即甜勾根

同煎沸入鹽少許濾淨又

入輕粉末少許和勻洗眼亦效

爐甘石散 治爛風眼

以爐甘石不拘多少先用童便煅淬七次次用黃連
濃煎汁煅淬七次再用穀雨前茶芽濃煎煅淬七次
又併三汁餘者合一處再煅淬三次然後安放地上
一宿出火氣細細研入冰片麝香點上神妙煅時須
用好紫銷炭極大者鑿一穴以安爐甘石
目淚不止當歸飲子

當歸 大黃 柴胡 人參 黃芩 甘草 芍

藥

各一兩

滑石

半兩

上剉細每服三錢至五錢水

一盞生薑三片同煎七分去滓溫服

河間當歸湯 治風邪所傷寒中目淚自出肌瘦汗不

止

當歸

人參

各三兩

官桂

陳皮

各一兩

乾薑

炮

白朮

白茯苓

甘草

川芎

細辛

白芍藥

各半兩

研為末每服二錢水一盞生薑三片棗二

枚同煎至八分去渣熱服不計時併三服

枸杞酒 治肝虛當風眼淚

右用枸杞子最肥者二升搗破內絹袋置罐中以酒一斗浸訖密封勿泄氣候三七日每日取飲之勿醉二妙散 養肝氣治目昏視物不明淚下

當歸 熟地黄

各等分

右為細末每服二錢匕不拘時無灰酒調下

治肝虛或當風眼淚鎮肝明目

右用臘月牯牛膽盛黑豆不計多少浸候百日開取食後夜間吞三七粒神效

洗肝湯 治肝實眼

人參

黃芩

去黑心

赤茯苓

去黑皮

山梔子仁

芍藥

柴胡

去苗

地骨皮

甘菊花

桔梗

炒各一兩

黃連

去鬚

甘草

炙各半兩

為呖咀每服三錢水一盞

入苦竹葉七片煎至七分去滓食後服

瀉肝湯 治目熱淚生糞者脾肝受熱故也

桑白皮

一兩

地骨皮

二兩

甘草

五錢炒

右呖咀每服三錢白水煎食後服

木賊散 治眼出冷淚實則用此

木賊 蒼朮 蒺藜 防風 羌活 川芎 甘

草 用水煎服

決明子方 治肝經熱止淚明目治風赤眼

右以決明子朝朝取一匙按令淨空心水吞下百日
見夜光一方決明作菜食之

羌活散 治冒風冷淚久不瘥

羌活

去蘆
二兩

木香

官桂

去麋
皮

胡黃連 山藥

升麻

艾葉

焙各一兩

牛膝

酒浸切焙

山茱萸

去核

白

附子

炮各七錢半

上剉每服三錢水一盞煎至八分

去滓食後溫服日三

羌活散 治風氣攻眼昏澀多淚

羌活 川芎 天麻 旋覆花 藁本 防風

蟬蛻

洗

甘菊花

細辛

杏仁

去皮各一兩

炙甘

草

半兩

研為細末每服二錢新水一盞半煎食後

服

菊花散 治目風淚出

蒼朮

四兩肥者用銀石器入河水同皂莢一寸煮一日去皂莢取朮銅刀刮去黑皮曝乾取三

兩

菊花

木賊

新者

草決明

洗曝乾

荊芥穗

旋覆花 甘草

炙各一兩

蟬蛻

洗焙七錢半

蛇蛻

洗炙二錢

半

研為細末用不津器盛每服一錢臘茶半錢

同點空心臨卧時服

蟬蛻餅子 治目風冷淚去翳暈

蟬蛻

洗焙

木賊

新者

甘菊花

各一兩

荊芥穗

芎

藟

各二兩

蒼朮

米泔浸
焙三兩

甘草

炙半兩

右為細末煉蜜和捏作餅子如錢大每服一餅食後細嚼臘茶送下日三

阿膠散 治目有冷淚流而不結者肝經受風冷故也

阿膠

馬兜鈴

各一兩半

紫苑

款冬花

各一兩

甘

草

半兩

白蒺藜

二錢半炒

糯米

一兩

為吹咀每服二

錢水一盞半煎八分溫服不拘時候

本事方治頭風冷淚龐安常二方

甘菊花

決明子

各二錢

白朮

羌活

川芎

細辛

白芷

荊芥穗

各半兩

右為細末每服一錢食後溫湯調下日三

又方

川芎

甘菊

細辛

白芷

白朮

各等分

研為

末蠟丸如黍米大夜卧服一九日中一時辰換一九

川芎丸

本

治風盛陽壅鼻塞清涕熱氣攻眼下淚多眵

齒間緊急作頭痛

川芎

柴胡

各一兩

半夏麴

甘草

炙

甘菊

人參 前胡

防風

各半兩

上每服四錢水一盞

生薑四片薄荷五葉同煎七分去渣溫服

銀海止淚方

蒼朮

米泔浸一兩半

木賊

去節二兩

香附子

炒去毛

右為末煉蜜丸如桐子大食後鹽湯下三丸

治冷淚方

夏枯草

香附子

各等分

研為細末麥門冬湯調

下

又方

用胞棗一枚去核以花椒二十粒入內用濕紙裹煨熟細嚼白湯下

立應散 治冷淚

椽斗子

一箇

甘草

三錢

研為細末每服二錢熟水

調下

楮實散 治冷淚

楮實子

去白膜炒

夏枯草

甘草

各半兩

香附子

炒

夏桑葉

各一兩

研為細末熟水調服不拘時

白殭蠶散

治衝風淚出

白殭蠶

炒

粉草

細辛

旋覆花

木賊

各五錢

荊芥

二錢半

嫩桑葉

一兩

用水煎食後溫服

真珠散

治肝虛目風淚出

真珠

研

丹砂

研各三分

乾薑

研二分

貝齒

五枚以炭火煨

為細末

共研極細今勻以熟絹帛羅三遍每仰卧

以少許點眼中合眼少時

乳汁煎 治風淚澀痒

人乳

一升

黃連

去鬚研取末七錢半

麝仁

研爛一兩

乾薑

炮為

末二錢半

上除乳外再同研極細以乳漬一宿明旦

內銅器中微火煎取三合綿濾去滓每以黍米大點
皆中勿當風點

止淚散 治風眼流淚不止

爐甘石

一錢

海螵蛸

三分

片腦

五釐

共研細點眼

大背頭目井口淚自收二藥燥要加腦和則不澀也
麝香散 治冷眼淚不止

香附子 川椒目

各等分

蒼朮

麝香

各少許

右為細末吹鼻中

目瘡疔消毒飲 治瞼生風粒

大黃 荊芥 牛蒡子、甘草

右水煎食後溫服

防風散結湯 治目上下睫隱起肉疔用手法除病後

服之

防風 羌活 白芍藥 當歸尾 茯苓 蒼朮

獨活 前胡 黃芩 各五分 炙甘草 防己 各六分

紅花 蘇木 各少許 上作一服水二盞煎至一盞

熱服查再煎

右方以防風羌活升發陽氣為君白芍藥當歸尾紅花蘇木破凝行血為臣茯苓瀉邪氣蒼朮去上濕前胡利五臟獨活除風邪黃芩療熱滋化為佐甘草和

諸藥防已行十二經為使病在上瞋者加黃連柴胡
以其手少陰足厥陰受邪也病在下瞋者加藁本蔓
荊子以其手太陽受邪也

漏睛五花丸

治漏睛膿出目停風熱在胞中結聚膿

汁和淚相雜常流涎水久而不治至烏珠墜落

金沸草

四兩

巴戟

三兩

川椒皮

枸杞子

白菊

花

各二兩

右末煉蜜丸梧桐子大每服二十九丸空心鹽酒下

白薇丸 治漏睛膿出

白薇

五錢

防風

蒺藜

石榴皮

羌活

各三錢

右末米粉糊丸桐子大每服二十九丸白湯下

糖煎散

見外障

治眼膿漏不止

黃芪 防風 大黃 黃芩

各三兩

人參 遠志

去心

地骨皮

赤茯苓

蒲蘆

各二兩

右每服五錢水煎食後服

竹葉瀉經湯 治眼目癰澀稍覺眊瞬視物微昏內皆

開竅如鍼目痛按之浸浸膿出

柴胡 梔子 羌活 升麻 炙甘草 黃連

大黃

各五分

赤芍藥 草決明 茯苓 車前子

澤瀉

各四分

黃芩

六分

青竹葉

一片十

作一服水

二盞煎至一盞食後稍熱服

右方逆攻者也先以行足厥陰肝足太陽膀胱之藥
為君柴胡羌活是也二經生意皆總於脾胃以調足

太陰足陽明之藥為臣升麻甘草是也肝經多血以通順血脈除肝邪之藥膀胱經多濕以利小便除膀胱濕之藥為佐赤芍藥草決明澤瀉茯苓車前子是也總破其積熱者必攻必開必利必除之藥為使梔子黃芩黃連大黃竹葉是也

蜜劑解毒丸 治證同上

石蜜

煉一斤

山梔

十兩末

大黃

五兩末

杏仁

去皮尖二

兩另研

蜜丸梧子大每服三十九丸加至百丸茶湯

下

右方以甘潤治燥為君為燥為熱之原也山梔子微苦寒治煩為臣為煩為熱所產也石蜜甘平溫安五臟為佐為其解毒除邪也大黃苦寒性走不守瀉諸實熱為使為攻其積不令其重叠不解也

東垣龍膽飲子 治肝眼流膿生疳翳濕熱為病

黃芩

炒

青蛤粉

草龍膽

酒拌炒焦

羌活

各三錢

升麻

二錢

麻黃

一錢半

蛇退

穀精草

川鬱金

炙甘草

錢各半

研為細末食後茶調服二錢

能遠視不能近視地芝丸亦能治脉風成癰

生地黃

焙

天門冬

去心各四兩

枳殼

炒

甘菊花

去蒂各

二兩

右為細末煉蜜丸如桐子大每服一百丸茶清送下
能近視不能遠視定志丸

遠志

去苗

菖蒲

各二兩

人參

白茯苓

去皮各一兩

右為細末煉蜜丸以朱砂為衣每服十九加至二十

丸米飲下食後

目閉不開助陽活血湯

見目痛

目為物所傷除風益損湯

熟地黄

當歸

白芍藥

川芎

各一錢

藁本

前胡

防風

各七分

作一服水二盞煎一盞去滓

大熱服

此方以熟地黄補腎水為君黑睛為腎之子此虛則補其母也以當歸補血為目為血所養今傷則血病

白芍藥補血又補氣為血病氣亦病也為臣川芎治
血虛頭痛藁本通血去頭風為佐前胡防風通療風
邪俾不凝留為使兼治亡血過多之病傷於眉骨者
病自目系而下以其手少陰有隙也加黃連療之傷
於頤者病自抵過而上傷於耳者病自銳背而入以
其手太陽有隙也加柴胡療之傷於額交顛耳上角
及腦者病自內眥而出以其足太陽有隙也加蒼朮
療之傷於耳後耳角耳前者病自客主人斜下傷於

頰者病自銳眚而入以其足少陽有隙也加龍膽草
療之傷於額角及巔者病自目系而下以其足厥陰
有隙也加五味子療之凡傷甚者從權倍加大黃瀉
其敗血眇多淚多羞澀赤腫者加黃芩療之

加減地黃丸 治目為物傷

生地黃

酒蒸

熟地黃

各半斤

牛膝

當歸

各三兩

枳殼

二兩

杏仁

去皮尖

羌活

防風

各一兩

一本

各等分共為細末煉蜜丸如桐子大每服三十九空

心食前溫酒送下鹽湯亦可

右方以地黃補腎水真陰為君夫腎水不足者相火必盛故生熟地黃退相火也牛膝逐敗血當歸益新血為臣麩炒枳殼和胃氣謂胃為多血生血之所是補其原杏仁潤燥謂血少生燥為佐羌活防風俱升發清利大除風邪為七情五賊飢飽勞役之病睛痛者與當歸養榮湯兼服傷寒愈後之後及血少血虛血亡之病俱宜服也

補肝丸 補腎丸 石決明丸 阜角丸

生熟地黃丸

俱見內
外障

加味四物湯 治打損眼目

當歸 川芎 白芍藥 熟地黃 防風 荊芥

各等
分

為呖咀為散每服三錢水一盞半煎至一

盞再入生地黃汁少許去滓溫服再以生地黃一兩
杏仁二十粒去皮尖研細用綿子裹藥敷在眼上令
乾再將瘦猪肉薄切粘於眼上再服局方黑神散

局方黑神散

蒲黃 熟地黃 肉桂 當歸 赤芍藥 白薑

甘草

各等分

研為末童子小便生地黃汁相和調

服

內消散 治傷損眼

羌活 獨活 蘇木 紅內消 當歸 川芎

大黃 釣藤鉤 白芷 紅花 桃仁 甘草節

赤芍藥 生地黃 瓜蒌根 紫金皮 金鎖匙

血竭草 用水煎食後服次用生地黃一兩杏仁

五十枚搗爛貼眼上復以精猪肉貼之

又方

羌活 獨活 紅內消 蘇木 赤芍藥 鉤藤

白芷

各五錢

甘草節

三錢

地榆

瓜蒌根

各四錢

右咬咀每服三錢白水煎食後服

經效散 治撞刺生翳

大黃

當歸

芍藥

各半兩

粉草

連翹

各二錢半

北柴胡

一兩

犀角

一錢

用水煎食後服

一綠散

治打撲傷損眼胞赤腫疼痛

芙蓉葉

生地黃

各等分

右搗爛敷眼胞上或為末以雞子清調勻敷

治目被物刺損有翳

生地黃 生薄荷 生巨葉 生土當歸 朴硝

右不拘多少研爛貼太陽二穴

傷寒愈後之病人參補陽湯 治傷寒餘邪不散上走

空竅其病癰澀赤脹生翳羞明頭腦骨痛

羌活

獨活

各六分

白芍藥

生地黄

澤瀉

各三

分

人參

白朮

茯苓

黃芪

炙甘草

當

歸

熟地黄

酒洗焙各四分

柴胡

防風

各三分

作一

服水二盞煎至一盞去滓熱服

右方分利陰陽升降上下之藥也羌活獨活為君者導陽之升也茯苓澤瀉為臣者導陰之降也人參白朮大補脾胃內盛則邪自不容黃芪防風大實皮

毛外密則邪自不入為之佐也當歸熟地黄俱生血
謂目得血而能視生地黃補腎水謂神水屬腎白芍
藥理氣柴胡行經甘草和百藥為之使也

羌活勝風湯

見外障

加減地黃丸

見前

啗鼻碧雲散

見目

赤

前胡犀角湯

治傷寒兩目昏暗或生浮翳

前胡

去蘆

犀角屑

蔓荊子

青葙子

防風

去義

梔子仁

麥門冬

去心

生地黃

焙

菊花

羌活

去蘆

決明子

微炒

車前子

微炒

細辛

甘草

炙各一兩

黃芪

一兩半

右剉每服五錢水一盞半煎至八分去滓食後溫服

芎藭子丸

治時氣後目暗及有翳膜

芎藭子

澤瀉

各一兩半

枸杞子

青葙子

枳殼

去蘊麴炒

生地黃

焙各一兩

石決明

麥門冬

去心焙

細辛

去苗葉

車前子

各二兩

黃連

去鬚三兩

研為細

末煉蜜丸如梧子大每服三十九食後漿水送下

瀉肝散 治天行後赤眼外障

知母 黃芩 桔梗 各一兩半 茺蔚子 大黃 玄

參 羌活 細辛 各一兩

右剉每服五錢水一盞半煎至五分去滓食後溫服

痘疹餘毒羚羊角散 治小兒癰疹後餘毒不解上攻

眼目生翳羞明眵淚俱多紅赤腫閉

羚羊角 鎊 黃芩 黃芪 草決明 車前子

升麻 防風 大黃 芒硝 各等分 作一服水一

盞煎半盞去滓稍熱服

右方以羚羊角主明目為君升麻補足太陰以實內
逐其毒也黃芪補手太陰以實外禦其邪也為臣防
風升清陽車前子瀉濁陰為佐草決明療赤痛淚出
黃芩大黃芒硝用以攻其錮熱為使然大黃芒硝乃
大苦寒之藥智者當量其虛實以為加減未滿二十
一日而目疾作者消毒化癰湯主之

消毒化癰湯 治小兒癰疹未滿二十一日而目疾作

餘治同上

羌活 升麻 防風 麻黃各五分 黃連 當歸

酒黃蘗 連翹各三分 藁本 酒黃芩 生地黃

蒼朮油浸炒 川芎 柴胡各二分 細辛 白朮

生芩 陳皮 生甘草 蘇木 葛根各一分 吳

茱萸 紅花各半分 作一服水二盞煎至一盞去

滓稍熱服

右方功非獨能於目蓋專於癰者而置也今以治癰

之劑治目者以其毒尚熾盛又傍害於目也夫癰疹
之發初則膀胱壬水剋小腸丙火羌活藁本乃治足
太陽之藥次則腎經癸水又剋心火細辛主少陰之
藥故為君終則二火熾盛反制寒水故用黃芩黃連
黃檗以療二火酒製者反治也生地黃益寒水故為
臣麻黃防風川芎升發陽氣祛諸風邪葛根柴胡解
利邪毒升麻散諸鬱結白朮蒼朮除濕和胃生甘草
大退諸熱故為佐氣不得上下吳茱萸陳皮通之血

不得流行蘇木紅花順之當歸愈惡瘡連翹除客熱
故為使此方君臣佐使逆從反正用藥治法具備通
造化明藥性者能知也如未見癰疹之前小兒耳尖
冷呵欠睡中驚嚏噴眼澀知其必出癰者急以此藥
投之甚者則稀稀者立已已後無二出之患

決明散 治小兒痘疹入眼

決明子 赤芍藥 炙甘草

各二錢五分

天花粉

五錢

右為末麝香少許和劑三歲半錢米泔調食後服

蜜蒙散 治小兒痘疹并諸毒入眼

蜜蒙花

二錢半

青箱子

決明子

車前子

各五分

右為末羊肝一片切開作三片摻藥合作一片濕紙裹於炭火中煨熟空心食之

蛇皮散 治小兒痘瘡入眼成翳

蛇皮

炙黃

天花粉

各等分

研為末三歲一錢摻入

羊肝內米泔水煮食之又方蟬蛻為末米泔湯調下

蟬蛻散 治小兒痘瘡入眼半年已裏者一月取效

猪懸蹄甲

二兩燒存性為末

蟬蛻

一兩為末

羯羊肝

焙乾末二

錢半

已上藥三歲一錢猪肝湯調下食後一日四

服一年外難治

浮萍散

治豌豆瘡入眼疼痛恐傷目

右以浮萍草陰乾為末三歲一錢羊肝一片盞內杖子刺碎入沸湯半錢絞汁調下食後三兩服立效

瀉青丸

見頭痛

退翳散

治目內翳障或瘡疹後餘毒不散

真蛤粉

另研

穀精草

生研為末
各一兩

上研勻每服二

錢用猪肝三指大一片批開摻藥在上捲定再用麻線扎之濃米泔一碗煮肝熟為度取出候冷食後臨睡細嚼却用元煮米泔送下忌一切毒物如齋素只用白柿同煎前藥令乾去藥食白柿孫盈仲云凡痘瘡不可食雞鴨子必生翳膜錢季華之女年數歲瘡疹後兩眼皆生翳只服此藥各退白膜三重瞳子方瞭然也

穀精散 治癰瘡翳膜眼

穀精草 猪蹄退炒 萊豆皮 蟬退各等分

右為末每服三錢食後米泔調下

神功散 治證同上

蛤粉 穀精草各一兩 萊豆皮 羌活 蟬退各五錢

研為末每服三錢用猪肝一具入藥末線縫

煮汁同服

通神散 治癰瘡入目内生翳障

白菊花 萊豆皮 穀精草

各等分

研為末每服

一錢乾柿一箇米泔一盞同煎候水乾喫柿不拘時
喫三五七次七日得效遠者不過半月

鱖血方 治痘瘡入眼生翳膜

鱖魚繫其尾倒垂之從項下割破此少取生血點之
於翳上白鱖魚尤佳若翳已凝即用南礬砂末以燈
心蘸點翳上仍用威靈仙仙靈脾洗曬等分為末每
一錢米泔水調服

通治目疾諸方

蟬花無比散

和刺

治大人小兒遠年近日一切風眼氣眼

攻注眼目昏暗瞼生風粟或痛或痒漸生翳膜遮睛

視物不明及久患偏正頭風牽搐兩眼漸漸細小連

眶赤爛小兒瘡疹入眼白膜遮睛赤澀隱痛常服驅

風退翳明目

蛇退

微炙一兩

蟬退

去頭足翅二兩

羌活

當歸

洗焙

石

決明

用鹽入東流水煮一伏時漉出搗如粉

川芎

各三兩

防風

去義

茯苓

去皮

甘草

各四兩炙

赤芍藥

十三兩

蒺藜

炒去刺半

斤

蒼朮

浸去皮炒十五兩

研為末每服三錢食後米

泔調服茶清亦得忌食發風毒等物

還睛丸

和劑

治男婦風毒上攻眼目赤腫怕日羞明多

饒眇淚隱澀難開眶痒赤痛瞼皆紅爛瘀肉侵睛或

患暴赤眼睛痛不可忍者併服立效又治偏正頭痛

一切頭風頭目眩暈

白朮

生用

兔絲子

酒浸另研

青箱子

去土

防風

去蘆

甘草

炙

羌活

去苗

白蒺藜

炒去尖

蜜蒙花

木

賊

去節各等分

為細末煉丸如彈子大每服一丸細

嚼白湯送下空心食前日三

七寶散

治風眼除瘀熱

當歸 芍藥

黃連

銅綠

各二錢細研

杏仁

七粒去皮

白礬 甘草

各一錢

為咬咀以水同放磁盞內於

鍋中頓煎至八分去滓澄清臨卧洗之

撥雲散

治男婦風毒上攻眼目昏暗翳膜遮障羞明

熱淚隱澀難開痒赤痛瞼皆紅爛瘵肉侵睛

羌活 防風 柴胡 甘草

炒各一兩

研為細末每

服二錢水一盞半煎至七分食後薄荷茶清調服菊花湯調亦可忌醃藏魚鮓鹽醬濕麪炙燂發風等毒物

蟬殼散 治眼目風腫及生翳膜等疾

蟬殼 地骨皮 黃連

宣州者去鬚

牡丹皮

去木

白

木 蒼朮

米泔浸切焙

菊花

各一兩

龍膽草

半兩

甜

瓜子

半斤

研為細末每服一錢荊芥煎湯調下食

後臨卧各一服大治時疾後餘毒上攻眼目甚效忌

熱麵炒豆醋醬等

局方蜜蒙花散

治風氣攻注兩眼昏暗眵淚羞明并

暴赤腫

羌活

白蒺藜

炒

木賊

蜜蒙花

石決明

各一

兩

菊花

二兩

右為末每服二錢食後茶清調下

三因羌活散

治風毒上攻眼目昏澀翳膜生瘡及偏

正頭風目小黑花累累者

羌活 川芎 天麻 旋覆花 青皮 南星

泡

藁本

各一兩

研為末每服二錢水煎入薑三片薄

荷七葉

本事方羊肝丸

兔絲子 車前子 麥門冬 決明子 茯苓

五味子 枸杞子 羌蔚子 苦葶藶 麩仁

地膚子 澤瀉 防風 黃芩 杏仁

炒

細辛

桂心 青箱子

各一兩

白羯羊肝

用子肝一片薄切新瓦上炒乾

熟地黄

一兩半

研為細末煉蜜為丸如梧子大每

服三四十丸溫湯下日三

地黄散 治心肝癰熱目赤腫痛赤筋白膜遮睛散在

四邊易治若遽遮黑睛多致失明及治疹痘入目者

生地黄 熟地黄 當歸 大黃

各七錢半

穀精草

蒺藜 木通 黃連 防風 生犀角 木賊

玄參 羌活

蟬蛻

粉草

各半兩

右為末每服半錢煮豬羊肝汁食後調服

補肝散 治三十年失明

右用七月七日收蒺藜子陰乾搗末食後水服方寸

匕

治積年失明方

右以決明子杵為末食後以粥飲服方寸匕

外治陽丹 治諸般外障赤脈貫睛怕日羞明沙澀難

開眇弦赤爛星翳覆瞳

黃連

黃檗

各一兩

大黃

黃芩

防風

龍膽

草

各五錢

當歸

連翹

羌活

梔子

白菊花

生地黃

赤芍藥

苦參

各三錢

蒼朮

麻黃

川芎

白芷

細辛

千里光

腦荷

荊芥

木賊

各一錢半

一方加雞栢樹根不拘多少此藥樹

生梗有小刺葉如石榴葉根色如黃芩單用亦可點洗

右藥以井水洗淨剉碎以井水浸於銅器內煮三夏

二秋四冬五日曬常將手挪出藥味曬出藥力熟絹
濾淨留清汁一椀以飛藥留濁汁三椀以淬藥却同
熔銅鍋子一箇裝打碎甘石一斤在內新瓦蓋上松
炭固濟燒令透極紅色鉗出少時淬入藥汁內煅淬
三次就將留下清汁飛細礪令千萬餘下澄清去濁
曬乾再礪令無聲為度細絹重羅過磁器收貯聽用

爐甘石

一錢

麝香

三釐

片腦

三分

研為細末次入

片腦礪嫩熟絹羅過磁器收貯點眼如有翳膜配

合陰丹一九一九二八三七四六等丹

陰丹 治翳膜遮睛血灌瞳人拳毛努肉爛弦風眼
諸般眼疾大效如神

爐甘石

一兩

銅青

一錢九分

礪砂

六分二釐半

沒藥

二分

青鹽

三分七釐半

乳香

三分七釐半

熊膽

一分二釐半

蜜

陀僧

二分半

已上八味用黃連五錢龍膽草二錢

半煎汁濾淨將前藥和一處入汁礪細嫩曬乾再礪

極細用之

白丁香

海螵蛸

白礬

生

輕粉

各一分
七釐半

硼

砂

二分半

雄黃

牙硝

黃丹

血竭

朱砂

各一

分二釐半

鉛白霜

粉霜

鷹條

膽礬

各七釐半

一

方有黃連六分二釐胡連腦荷細辛薑粉草烏各
一分二釐半按已上六味竝無去翳之功不用更
妙恐有礙眼作痛害眼之禍也一方有石蠟貝齒玄
明粉真珠琥珀各二分按已上五味或多或少皆可
增入以有磨翳消膜之功不可缺也

右各另製細末依方秤合和勻礪令無聲至千萬
餘下磁器收貯聽用如有翳膜配合陽丹一九二八
三七四六等丹點眼大效如神

一九丹

陰

分二

陽

分九

礪

釐九

礪

釐生五

二八丹

陰

分二

陽

分九

礪

釐八

礪

釐生四

三七丹

陰

分三

陽

分七

礪

釐七

礪

釐生三

四六丹

陰

分四

陽

分六

礪

釐六

礪

釐生二

陰陽丹

陰

分五

陽

分五

礪

釐五

礪

釐生一

清涼丹

陽

錢一

礪

分一

礪

生一

已上六丹俱用麝香三釐片腦一分研勻點眼

日精丹 治一切火熱赤眼爛弦風等證夫日者陽也
陽主輕清故其丹輕也專治一切眼目稍輕者用此
丹也

黃連

兩二

黃檗

兩三

龍膽草

防風

大黃

赤

芍藥

黃芩

當歸

梔子

錢各五

白菊花

腦

荷

錢各二

又方可加雞栢樹根不拘多少為妙

右浸藥水煨淬爐甘石收貯諸法悉同陽丹

爐甘石

一兩

朱砂

硼砂

各二錢

麝香

三分

白礬

生五分

研為極細末每末一錢加片腦一分研細

羅過點眼如有翳膜配和月華丹對勻點之

月華丹

治諸般翳膜努肉等證夫月者陰也陰主重

濁故其丹重也專治一切眼目稍重者用此丹

爐甘石

一兩

朱砂

硼砂

各二錢

白丁香

真珠

珊瑚

琥珀

水晶

碼碯

石蠟

貝齒

硃

砂各二分

乳香 沒藥 輕粉 青鹽 玄明粉

膽礬 海螵蛸 蚬蛇膽 黃丹 山猪膽 白

礬生

雄黃 熊膽 牛黃

各一分

麝香

三分

右二十七味各另修製淨秤合和勻礪令千萬餘下
磁器收貯如臨用時每末一錢加梅花片腦一分研
勻羅過點眼如翳膜重厚者加礪砂少許如翳膜薄
輕者對和日精丹

光明丹 治一切眼目翳膜努肉爛弦赤眼眊瞤緊澀

羞明惡日

以下諸方甘石俱製過者

爐甘石

三錢

朱砂

礪砂

各一錢

麝香

一分

片腦

三分

右各另製細末秤合和勻礪今千萬餘下羅過點眼如翳膜加石斛真珠各三分礪砂白丁香熊膽牛黃琥珀貝齒各一分研細和勻點眼要紅加硃砂一錢白龍丹治一切火熱眼及翳膜努肉

爐甘石

一錢

玄明粉

五分

礪砂

三分

片腦

一分

右研細末點眼

爐甘石散 治一切外障白睛傷破爛弦風眼療濕熱
平風爛住痛明目去翳退赤除風大效

爐甘石

錢一

片腦

分一

黃連

二分半

法製甘石二

兩以黃礬一兩黃連五錢煎濃汁濾淨投入甘石內
曬乾以汁投曬盡為度依方秤合和勻研為細末乳
汁和調勻用鴨毛刷爛處又方以覆盆子根皮即
甜勾根洗淨砍爛取汁和乳汁調刷爛處大效

紫金錠子 治一切眼疾不分遠年近日諸般翳膜血

灌瞳仁努肉攀睛拳毛倒睫積年赤瞎暴發赤腫白
睛腫脹沙澀難開眊瞤緊澀怕日羞明眇多眵淚爛
弦風痒視物昏花迎烟淚出目中溜火諸般目疾

爐甘石

黃丹

各半
斤

黃連

另研

朱砂

各一
兩

當

歸

硼砂

各半
兩

海螵蛸

白丁香

白礬

生

礪砂

輕粉

貝齒

真珠

石蠟

熊膽

乳

香

沒藥

麝香

各一錢
二分半

片腦

二錢其片腦久
留恐去氣味宜

臨時
加入

上除腦麝外餘各另製為末秤合和

勻入黃連水礪至千萬餘下日乾次入麝香研細羅

過又次入片腦再研復羅入後膏搜和作錠子陰乾

黃連

斤一

當歸

生地黃

各四兩

防風

黃蘗

龍腦草

各二兩

蕤仁

半兩

訶子

八枚

冬蜜

八兩另熬酥乾

為度

鵝梨

八枚取汁

猪胰子

四枚以稻草那洗去膏膜乾淨無油為度再用

布包搗爛入藥

先將黃連等八味洗淨剉碎以水浸於

銅器內春五夏三秋四冬七濾去滓以滓復添水熬

三次取盡藥力以密絹綿紙重濾過澄去砂土慢火

煎熬槐柳枝各四十九條互換一順攪不住手攪盡
枝條如飴糖相類入蜜和勻磁器盛放湯瓶口上重
湯蒸頓成膏復濾淨滴入水中沉下成珠可丸為度
待數日出火毒再熔化入末和勻杵搗為丸錠陰乾
金銀箔為衣每以少許新汲水浸化開鴨毛蘸點眼
大眥內又可以熱水泡化洗眼藥水冷又煖洗日洗
五七次日點十餘次大效

熊膽膏錠 治風熱上攻眼目昏花眵多眵淚眊眊

緊澀痒極難忍努肉攀睛沙澀難開翳膜覆瞳目眶
歲久赤爛俗呼為赤瞎是也當以稜針刺目眶外以
瀉濕熱如倒睫拳毛乃內瞼眼皮緊當攀出內瞼
向外以稜針刺出血以瀉伏火使眼皮緩則毛立出
翳膜亦退一切目疾悉皆治之

爐甘石

六兩

黃丹

三兩

黃連

一兩

當歸

朱砂

硼砂

各二錢

白丁香

海螵蛸

白礬

生

輕粉

各一錢

乳香

沒藥

熊膽

麝香

各五分

片腦

一錢臨
時加入

除腦麝各另製細末秤合和勻入黃連末當歸
末水調勻綿絹濾淨去滓入末礪至千萬餘下曬
乾入麝香礪極嫩羅過次入片腦礪勻復羅却入後
膏成劑

黃連

半斤

龍膽草

防風

當歸

生地黃

各二兩

訶子

八枚去
核研末

麝仁

二錢半

鵝梨

四箇
取汁

猪胰子

二箇同
前製入

冬蜜

二兩同
前製煉

右黃連下九味洗淨剉碎以井水浸於銅器內或磁

器內春五夏二秋三冬七日濾去滓以滓復煎三四次取盡藥力以熟密絹開綿紙在上濾過澄清去砂土慢火煎熬槐桑柳枝各四十九條長一尺攪不住手互換攪盡枝條待如飴糖相類入蜜和勻磁碗盛放湯瓶口上蒸頓成膏復濾淨滴入水中沉下成珠可丸為度待數日出火毒再熔化入末和勻杵為丸錠陰乾金銀箔為衣每以少許并水化開鴨毛蘸點眼又以熱湯泡化洗眼

開明膏 治眼目昏花視物不明或生雲翳白膜內外障眼風赤冷淚一切眼疾

黃丹

二兩

青鹽

五錢

海螵蛸

飛

朱砂

硼砂

各一錢半

訶子

二枚去核研末

冬蜜

四兩熬一大沸去沫取淨者

槐柳枝

各四

十九條

右將蜜煉沸濾過磁器盛放湯瓶口上入

甘石黃丹訶子蒸熬紫色重湯頓成膏槐柳枝一順攪不住手互換攪令條盡滴水中不散為度再又濾淨入後膏和劑 黃連

研末二兩羅過細

槐柳枝

各五錢

右入水二大碗熬一椀濾去滓以淨汁再熬稀稠得
所入蜜藥和勻磁器盛頓湯瓶口上重湯成膏放在
地上數日出火毒次入前藥末攪勻點眼昔人曾以
此藥救人大效

消翳復明膏 治眼目昏花翳膜遮睛內外障眼一切
眼疾

黃丹

一兩

青鹽

二錢半

海螵蛸

真珠

各七分半

熊

膽

麝香

各二分

片腦

五分臨時加入

訶子

二枚去核研末

槐柳枝

各四十條

冬蜜

熬一沸去白沫瀉淨四兩

右將蜜和黃丹煉至紫色旋下餘藥熬至滴水沉下成珠為度除腦麝成膏後入

黃連

二兩半

防風

當歸

龍膽草

生地黃

各五

錢

木賊

白菊花

各二錢半

蕤仁

一錢

杏仁

五分

右如前煎熬成膏入蜜和勻磁碗盛放湯瓶口上蒸頓成膏濾淨入腦麝和勻點眼又以熱湯泡化洗眼
爐甘石膏 治眼目昏花視物不明

爐甘石

代赭石

黃丹

各一兩

冬蜜

八兩

訶子

二枚
取末

槐柳枝

各四十
九條

右為細末入黃連水再礪至千萬餘下却以蜜煉去
白沫入末同熬成膏柳條攪不住手濾淨入後膏
子和劑

再以黃連研末一兩入水於銅鍋煎熬成膏濾去滓
取淨入前蜜藥磁碗盛湯瓶口上蒸頓成膏槐柳
枝一順攪不住手互換枝條攪盡濾淨出火毒點眼

又以熱湯泡化洗眼

夜光膏 治赤眼翳膜昏花餘證同上

黃丹

四兩

爐甘石

二兩

青鹽

六錢

鵝梨

十枚
取汁

冬

蜜

一斤煉
一沸

右將丹石礪細末以青鹽另礪末却將鵝梨汁和蜜熬稀稠入甘石黃丹煉紫色次入青鹽熬勻槐柳枝攪不住手入後膏和劑

黃連

八兩

當歸

二兩

訶子

四枚去
核研末

猪胰子

二箇如
前搗洗

右各洗淨碎剉水浸三五宿濾去滓以滓復煎取
盡藥力以熟絹綿紙濾淨澄去沙土慢火煎熬以槐
柳枝各四十九條一順攪不住手待如飴糖相類濾
淨入前蜜藥磁器盛放湯瓶口上重湯頓成膏候出

火毒每以少許點眼大眚以熱湯泡化洗眼

凡修合
眼藥宜

臘月妙正月十一
月次之餘月不宜

黃連膏 治目中赤脉如火溜熱炙人餘同上

黃連

八兩

片腦

一錢

先以黃連去蘆刮去黑皮

洗淨剉碎以水三大碗貯於銅鍋內煎或以磁器內煎用文武火熬減大半碗濾去渣以渣復煎濾淨澄清入薄磁器盛放湯瓶口上重湯蒸頓成膏熬熔再復濾淨待數日出火毒臨時旋加片腦以一錢為率用則酌量加之以少許點眼大眚內又方加熊膽蚬蛇膽各少許更妙

又方

黃連

八兩

杏仁

菊花

梔子

黃芩

黃檗

龍膽草 防風 當歸 赤芍藥 生地黃

各一兩

右以水煎濃汁去滓再煎濾淨碗盛放湯瓶口上重湯蒸頓成膏滴入水中可丸為度以陽丹收為丸
臨用加片腦少許研和以井水化開鴨毛蘸點眼
又方

黃連 雞栢根

各多用

地薄荷 田茶菊 嫩栢

葉 苦花子 苦參根 地胡椒 七層樓 地

芫荽 千里光

即黃蛇草
各等分

右以水煎去滓濾淨復煎候汁如稀飴樣入冬蜜相
停即以碗盛放湯瓶口上重湯蒸頓成膏入陽丹一
兩和勻更入朱砂硼砂各一錢片腦麝香各一分為
妙

日精月華光明膏 治翳膜努肉諸般眼疾大效

爐甘石

黃丹

各八兩

萊豆粉

炒黑四兩

黃連

一兩

當

歸

朱砂

硼砂

玄明粉

決明粉

各二錢

輕

粉 白礬

生

白丁香

海螵蛸

自然銅

礪

砂

各一錢

熊膽

乳香

沒藥

鷹條

雄黃

青鹽

膽礬

銅青

牙硝

山猪膽

各二分半

麝

香

五分

片腦

一錢

樟腦

半錢

又方有貝子

煨

貝齒

石燕石蠅水晶真珠瑪瑙琥珀珊瑚各一錢若加此

九味要去菴豆粉不用有豆粉即半真半偽上各

另研細末依方秤合和勻礪至千萬餘下熟絹羅過

入後膏子成劑

雞栢根

一斤

黃連

半斤

龍膽草

黃檗

生地黃

苦參

各二兩

大黃 黃芩 梔子 赤芍藥 防

風 菊花 玄參 當歸

各一兩

羌活 木賊

蒺藜 連翹 蔓荊子 細辛 川芎 白芷

各五

錢

夜明沙 蛇蛻 蟬蛻

各二錢半

又方 福建地

有後十一味草藥在內用之效速他處無此草藥
不用亦效

苦花子 地薄荷 地西瓜 田茶菊 七層樓

千里光 鐵梗子 地園葵 地胡椒 蛇不見

水楊梅根皮

以上各生採各一握搗爛另煎取濃汁入前藥同煎成膏

冬蜜

半斤

上各洗淨剉碎入井水於銅器內浸三宿慢

火煎熬濃汁濾去滓以滓再煎再濾慢火煎熬槐柳
桑枝攪熬如飴餚入蜜和勻更入羯羊膽雄猪膽各
二枚和勻磁碗頓放湯瓶口上蒸成膏復濾淨滴
沉水中成珠可丸為度待數日出火毒再熔化入諸
藥末和勻杵為丸錠陰乾用金銀箔為衣每以少許
井水化開鴨毛蘸點眼又以熱湯泡化洗眼大有神

效

碧玉散 治眼睛腫脹紅赤昏暗羞明怕日癰澀難開
疼痛風痒頭重鼻塞腦鼻痠疼翳膜努肉眵淚稠粘
拳毛倒睫一切眼證

躑躅花 腦荷 羌活 川芎 細辛 防風

荊芥 蔓荊子 白芷 風化硝 石膏

各一錢

煨

青黛 黃連

各三錢

鵝不食草

三兩

右為細末吹鼻中一日吹二次

乳香散 治內外障眼攀睛瘀肉倒睫拳毛翳膜遮睛

一切目疾

防風 荊芥 川芎 白芷 細辛 藁本 羌

活 白菊花 石菖蒲 天麻 蔓荊子 瓜蒂

赤小豆 漢防已 兔絲子 穀精草 自然銅

製

鬱金 當歸 石膏 乳香 沒藥 雄黃

蛇蛻 炒焦 蟬蛻 炒焦 穿山甲 燒 雞子蛻 燒 腦

荷 各五分 麝香 片腦 各半分

右為細末每用少許吹鼻中

吹雲膏

治視物睛困無力隱澀難開睡覺多眵目中

淚下及迎風寒泣羞明怕日常欲閉目喜在暗室塞其戶牖翳膜遮睛此藥多點神效

黃連

三錢

蕤仁

升麻

各三分

青皮

連翹

防

風

各四分

生地黄

一錢半

細辛

一分

柴胡

五分

當

歸身

生甘草

各六分

荊芥穗

一錢取濃汁

右剉除連翹外用淨水二碗先熬諸藥去半碗入連

翹熬至一大盞去滓入銀盞內文武火熬至滴入
水成珠加熟蜜少許熬勻點之

金露膏 除昏退翳截赤定疼

麝仁

搗碎

黃丹

各一兩

黃連

半兩

蜜

六兩

右先將黃丹炒令紫色入蜜攪勻下長流水四升以
嫩柳枝五七莖一把定攪之次下麝仁候滾十數沸
又下黃連用柳枝不住手攪熬至升七八合畧籬內
傾藥在紙上慢慢滴之勿令塵污如有瘀肉加礪砂

末一錢上火上慢開入前膏子內用

龍木論云患傷寒熱病後切不可點恐損眼也斯言可以為藥禁云

寶鑑春雪膏 治風熱上攻眼目昏暗痒痛隱澀難開

多眵淚羞明疼痛或生翳膜

黃連

四兩劉用童便二升浸一宿去黃連以汁焯甘石

南爐甘石

十二兩煅

用黃連汁焯

硃砂

一錢細研水調在盞內頓乾為度

好黃丹

六兩飛

乳香 烏賊骨

燒存性

當歸

各三錢

白丁香

半錢

麝香

輕粉

各少許

上各研另貯先用好蜜一斤

四兩煉去蠟却下甘石末不住手攪次下丹次下諸藥末不住手攪至紫金色不粘手為度搓作挺子每用一粒新水磨化時時點之忌酒濕麵蕎麥

點眼金絲膏

治男婦目疾遠年近日翳膜遮睛拳毛

倒睫黑花爛弦迎風冷淚及赤眼腫痛努肉攀睛

礪砂

研

晉礬

研

青鹽

研各一錢

乳香

好者細研

片

腦

研各二錢

當歸

剉淨洗

黃丹

研各半兩

黃連

一兩

右用好蜜四兩除片腦外和七味內入青筍竹筒內

油單紙裹筒口五七重緊繫定入湯瓶中文武火煮一週時取出劈破新綿濾去藥滓方下片腦和勻磁瓶收貯再用油單紙五七重封繫瓶口埋露地內去火毒候半月取出每用粟米大點眼

龍腦膏 治遠年近日翳膜遮障攀睛瘀血連眶赤爛視物昏暗隱澀多淚迎風難開

爐甘石

不以多少揀粉紅梅花色佳用甘鍋子盛煅七次用黃連水淬七次

黃連

不以多少搥碎水浸一宿去滓將煅紅爐甘石淬七次同黃連水細研飛過候澄下去上面水曝乾

再用乳鉢研極細羅過用三錢

龍膽草

不以多少洗淨日乾不見火研末一錢

桑柴皮

羅過二錢

黃丹

羅過半錢

上同白蜜四兩一處

入在黑磁器內文武火慢熬以竹篦子攪如漆色不粘手為度切勿犯生水仍不用鐵器熬藥藥成依舊以磁器盛頓每用如皁子大新冷水半盞化開先三日不用每日洗數次無妨藥盞須用紙蓋不可犯塵灰截赤眼極效

散血膏 治赤腫不能開睛痛熱淚如雨

紫金皮 白芷 大黃 薑黃 南星 大柏皮
赤小豆 寒水石

右為細末生地黃汁調成膏敷眼四圍

又方

用生田螺肉生地黃同真黃土研爛貼太陽穴

又方

用黃丹蜂蜜調貼太陽穴立效

又方

共用南星 地黃 赤小豆 研爛貼太陽穴

清涼膏

生南星 薄荷葉

各半兩

荊芥 百藥煎

各三錢

右為末井水調成膏貼眼角上自然清涼

洗眼方 治昏膜止疼去風

秦皮 杏仁 黃連 甘草 防風 當歸鬚

各等

分 滑石

少許

右為末水一盞煎至半盞去滓時時帶溫洗

又方

銅綠

半斤

爐甘石

一斤

黃連

黃芩


黃檗

三味各等

分

先將前二味同碾細末羅過將後三味濃煎

調末為丸臨時用將冷水浸開洗之



證治準繩卷三十五